

# *I LUKWATANO LWA KABELELE*

 Nda kulumba, Mukwesu Edmonds. Mwami aku longezye.

Kwasiya kabotu, beenzuma. Calo ncoolwe alubo sunumasiku kuba kokuno mu Fellowship Tabernacle. Cindi Ne kainda munsi, masikati aya, a kulanga awo mpo cakabede, elyo Nda kabona bbala “Luswaanano,” olo lwa ndeelela kabotu. Nda ciyanda eco, Mukwesu Edmonds. Luswaanano, nce cintu nco tusyoma mo.

<sup>2</sup> Ii mweenzuma wakaindi, oyo wakazwa kuunka buyo ku muunzi kuyooba a Mwami, bunji bwanu antela mwakali muysi, Mwii. F. F. Bosworth, bunji bwanu. Wa kali okuno mu Phoenix, Nda syoma, a ndime ciindi cimwi, muntu sicamba maningi. Elyo wa kali i... kajisi i—i... Wa kali muntu musalali wakaindi, pele waka jisi gano lya kuseka. Elyo wa kati kuli ndime, lomwe, wa kati... Nda kazumanana kwaambaula makani aa luswaanano. Elyo wa kati, “Mukwesu Branham, uli zyi luswaanano nco lwaamba?”

Nda kati, “Ee, Ndi yeeya booboo, Mukwesu Bosworth.”

<sup>3</sup> Wa kati, “Balo mbalombwana bobilo mu bwaato bomwe.” Aboobo, alimwi eco citandila kuba kabotu, kwaabana kaanda kuli umwi aumwi.

<sup>4</sup> Elyo Nda kabona bunji bwanu kaba bikka maanza anu mujulu, mu kuziba Mukwesu Bosworth. Mukuba kuti—kuti mwakali muysi, Ndi yanda buyo kukanana ijwi lya ziindi zyakwe zyamamanino awa aa nyika. Nda kamuziba kwa ciindi cikubwene. Elyo wa kali okuno kukambauka Makanimabotu a kukombela baciswa, Nke tana zyalwa. Aboobo inga mwabona obo mbwa kakomenede. Mwami waka muleka kupona, Ndi yeeya kuti, kutandila myaka ili makumi ali lusele ayosanwe, cintucimwi mbuli ceeco, elyo kacili mudaala sicamba cindi na kafwa.

<sup>5</sup> Cindi nakali makumi ali ciloba ayosanwe, Nda syoma mbo cakabede, walo a Ndime twa kali ku i... Nda syoma, ngu Edgemount Hotel mu Miami. Elyo twa kajisi cilalilo cesu—cesu, akweenda atala lya nkowwe ya lwizi oko mayuwe nkwa boola, kulangilila mweezi kauzwia. Elyo mpaawa Nda kali, kutandila myaka iili makumi one yakukomena, ziwezo zyangu kazidiimene aansi, keenda mbuli obo. Elyo walo, kutandila makumi ali ciloba ayosanwe, cakutonkomana mbuli mbwa kali kukonzya kuba. Elyo Nda kamulanga, nkabela Nda kamunyomenena. Elyo Nda kati, “Mukwesu Bosworth, Ndi yanda kukubuzya mubuzyo.”

Wa kati, “Kozumanana ncobeni, Mukwesu Branham.”

Elyo Nda kati, “Ndelili nokali abubotu bwako loko?”

<sup>6</sup> Wa kati, "Ndyoonya lino." Ee, mpawo, Nda kalimvwa kuusa nsoni kuli lwangu. Elyo wa kati, "Wa luba kuti Ndili mwana buyo, upona mu ng'anda yakaindi," wa kaamba. Elyo oyo wakali Mukwesu Bosworth.

<sup>7</sup> Cindi Ne kamvwa kuti wakali kuyo swaana Mwami, Ndi katandila buyo kuumpa mataya kuzwa ku mootokala wangu, nkeselemukila ku Miami, kuyo mubona. Elyo cindi mukaintu a Ndime ni twakasika okuya... Elyo mukwasyi wabana Bosworth a mukwasyi wesu twakali balongwe balemu. Elyo twa kanjila. I sikale wakaindi kalede akalo kaniini. Elyo wa kabuka, mutwe wakwe muniini walubala, maboko, maniini asutene lukanda akandi jatilila, mbuli *boobo*. I misozi kiimbulumukila aa masaya angu. Nda kamukwempa mu maboko angu, elyo Nda kalila, "Taata wangu, taata wangu, nkalaki zya Israyeli a basimbizi bazyo!" Nkaambo, ikuti na kwakasola kuba mudaala oyo waka sola kubikka bulemu mu mulimo wa Pentekoste, wakali Mukwesu Bosworth. Mbwa kabede ncobeni. Wa kali lubaluba pati.

<sup>8</sup> Elyo nywebo mulizi, cintu citaanzi nca yanda kucita, nku ndaambila kudana kuniini, mbuli *boobo*, nywebo mulizi.

Elyo Nda kati, "Mukwesu Bosworth, sa ulaba kabotu?"

<sup>9</sup> Wa kati, "Peepe, Mukwesu Branham. Nse cisidwe, ku kutalika." Wa kati, "Ndiya buyo ku Muunzi."

Nda kati, "Ee, eco cili kabotu loko."

<sup>10</sup> Twa kazwa calino ku masena akutolela lusyomo aku Africa, walo a Ndime. Wa kati, "Nda cembaalisya kucipona ciindi cilamfu." Wa kati, "Ndiya ku Muunzi."

Nda kati, "Mukwesu Bosworth, ino inga wandilailila nzi caku cita?"

<sup>11</sup> Elyo wa kati, "Amukkale a Makanimabotu." Elyo wa kati, "Amu joke ku masena akutolela lusyomo cakufwambaana mbuli mbo mukonzya." Kat, "Oko inga kwaba kukulwaizya kwangu."

<sup>12</sup> Elyo Nda kati, "Mukwesu Bosworth, cintu comwe cimbi Nce yanda kukubuzya."

Wa kati, "Ino ncinzi eco, Mukwesu Branham?"

<sup>13</sup> Nda kati, "Lino, mwa bikka kutandila myaka ili makumi ali cisambomwe ya Mwami, mu mulimo, na ndiza kwiinda." Elyo Nda kati, "Cakali ciindi nzi cako cakukkomana kaptati mu buumi?"

Wa kati, "Ndyoonya lino."

Elyo Nda kati, "Mukwesu Bosworth, uli zyi kuti uli mukufwa?"

<sup>14</sup> Wa kati, "Nse konzyi kufwa. Nda kafwa myaka minji yakainda." Elyo Nda... Wa kati, "Mukwesu Branham, koonse Nkwe kayanda a kumamela kwa myaka yakainda ili makumi ali

cisambomwe, Ndi Mu langilila kujula mulyango oyo kufumbwa ciindi a kuboola, kondi bweza.”

Nda yeeya eco, *I Ntembauzyo Ya Buumi*:

Maumi a baalumi batapi ala twiibaluzya  
toonse  
Tula konzya kubamba maumi esu kubotelezya  
kapati,  
A kwaandaana, kula tusiila kusule lyesu  
Ndyato zya matende aa miseenga ya ciindi.

Elyo nincobeni wa kasiya ndyato zya matende, kuli ndime.

<sup>15</sup> Katana kufwa, na, pa-...kazumanana kuya mu Bulemu, kutandila oora lyomwe, na ndiza aindia, kataninga kuzwa, wa kali kubaanga uloona kwa maoora masyoonto, a mukaintu wakwe, bana bakwe, bayandwa kabaimvwi koonse, elyo mudaala waka sinsimuka, kalanga koonse, wakabuka, a kuzuzaana aa cibuye, a kusukana maanza a banyina abo bakainka kwa myaka minji, a bawisi. Elyo ku oora, wa kasukana maanza a bantu, kaamba, “Oyu Mukwesu John. Iiyi, waboola kuli Kristo mu muswaangano wangu mu Joliet, Illinois. Ngooyu Mukwesu...” Kusukana maanza a basanduki bakwe abo bakainka, kale kwa myaka minji.

<sup>16</sup> Nda—Nda mwaambila, ziindizimwi Nda syoma kuti mu oora ndo tuzwa aa nyika eyi kuya kuli lilimbi, Nda syoma ciindicimwi cindi... I mulonga uyooba katazya kuzabukwa, nekuba, nywebo mulizi. Nda syoma ndiza Mwami waambila bayandwa besu kuti, “Kamu selemukila ku mulonga kuyo baswaana kunselelo okuya.” Nkambo mbuli Jakobo mbwa kaamba, tuyu bungana a bantu besu buzubabumwi.

<sup>17</sup> Mebo ambebo ndi langila buzuba obo buciza. Elyo mpawo cindi Nda manizya a buumi obu awa, na Leza wamanizya a ndime awa, alimwi Nda bona kuti Nda kabweza mayubilo onse Nge konzya, kainda mu cibuwa conse ca mitubetube, a kutanta cilundu conse, Ndi yanda kulanga kusule, kubona oko Nkwe kabede, cindi Ne selemukila ku mulonga.

<sup>18</sup> Nda kaamba lyoonse, mbuli bantu basiya awa, bali jisi lwiimbo luniini ndo baimba, “Nse yandi penzi ku mulonga.” Ndi yanda ku cilulamika coonse lino.

<sup>19</sup> Ndiza kujosya buyo panga mu cikanda, a kusamununa ngowani, akwi bikka ali ankomwe ya tubwe twa misenga, a kunyamuna maanza angu mujulu, a koongolola, “Koleta bwaato bwa lugwasyo, Taata. Nda boola ku muunzi cifumo cino.” Uyo obako. Muta pengi. Nda syoma eco. Ndi yeeya kuti oko nko kuyandisisya kwa myoyo yesu yoonse.

<sup>20</sup> Lino, ncioolwe cipati ncobeni kuba kokuno sunumasiku a mweembeli oyu mubotu a mbungano yakwe, a mulimo oyu mubotu, a baaba beendeenda muli Kristo, ku mamanino aya

aa Phoenix. Nkambo, nincobeni, tuli basikweendenda. Tuli bamuzwamasi a beenzu okuno. Tu yandaula Munzi.

<sup>21</sup> Mbuli mbo Ndali kukanana cifumo cino kunselelo ku cikombelo ca Mukwesu Fuller, aa Lunyungu Lwabwami. Lino, ikuti na ujisi mateepu rekkoda, Nse ambi. Pele kwakali cintucimwi cacitika cifumo cino, eco Nce... Ikuti na ujisi teepu rekkoda, ikuti na wajana imwi ya mateepu, Ndili masimpe inga mwacilumba. Mukwesu Maguire ula ajisi, a *Lunyungu Lwabwami Ilwa Abrahamu*.

<sup>22</sup> Mwabona, lunyungu lwa Abrahamu wakali Izaka, uli mu Juda, kunyama. Pele Lunyungu lwabwami wakali Kristo, kwiinda mu cisyomezyo, alimwi kuti Kristo wakali Ijwi lya Leza lyaka tondezegwa. Elyo lili mu moyo wesu sunu mbuli mbotu... “Ikuti na Nda... Mwa kkalilila muli Ndime, a Ijwi Lyangu muli ndinywe, mpawo amulombe eco nco muyanda, nkabela ciyo citwa kuli ndinywe.”

<sup>23</sup> Lino, Nda tondezya eco, ca Phoenix, ziindi zinji kuzwa Ne kali okuno... Ciindi cangu citaanzi ca kuboola yakali myaka ili makumi otatwe ayosanwe yakainda. Alimwi kutala ku 16 a Henshaw, Nda kakkala, kabeleka mu Circle R Ranch okuno, kuzwa ku Wickenburg. Elyo Nda kaunka a musimbi muniini okuya ali ka 16 a Henshaw. Nda kainka kuyo yandaula busena buzuba bumwi, nkabela akwalo tacili Henshaw limbi pe. Ngu Buckeye lino. Elyo ndi dolopo pati moonya mu cooko cipati ica Phoenix okuno. Zintuzyonse zya kacinca booboo.

<sup>24</sup> Elyo mukaintu a Ndime twa kaunka kutala ku South Mountain, kuyo langa kusule ku Phoenix. Nda kayeeya, kutandila mya ili myaanda yotatwe yakainda, antela okuya kwakanyina cintu okuno pele babwa bamusokwe, masamu akkakitasi, a zimwi zimbi. Elyo lino walo muunzi mupati mubotu kapati. Lino, Nda kati, “Oyandwa, sa wasanduka na kupilingana? Inga wa belesya kusala kwako. Kuli ndime, cili pilingene eno. Nkaambo, aya mayake mapati a maanda mabotu inga aba kabotu ikuti na baalumi a banakazi bakali kwenda koonse akoonse mu tugwagwa, a maanza abo mujulu kuli Leza, kabalumbaizya Leza, a bakwesu a bacizi kabapona bukozyenye; mibusena bwa kunywa, kuumma njuka, kufweba, kubeba, kubba, masena amakoko aa bukoko, zintu zyoonse ezyo zibi. Aakati ka zyoonse ezyo, nekuba...”

Mpawo mukaintu wakati kuli ndime, “Mpawo, Billy, ino ucitaanzi okuno?”

<sup>25</sup> Nda kati, “Pele, oyandwa, kuzwa ni twali kkede awa, maminiti ali kkumi aosanwe, mbunji buti bubeji bwa kaambwa mu kkuti eelyo? Nzikonke zyongaye zya kacitwa, Zina lya Mwami mubuyo? Ili yongaye misanga yatombwe, ali ongaye mawhisiki aakunywa, ali ongaye mamambe akacitwa, alimwi

monse omuya, mu kaindi buyo kaniini kamamanino, kuciindi notuli kookuno?”

Waa kati, “Sa eco tacili cibyaabi?”

<sup>26</sup> Pele Nda kati, “Nceeci nco tuli kokuno, oyandwa. Ili yongaye mipailo isyomeka yainka kujulu kuzwida ciindi ni twa kali kokuno? ‘Muli Mumuni wa inyika.’ Eco ncencico nco tuli waano, ku kubikka makuko esu a mambungano aya maniini okuno, kucita zintuzyonse nzo tukonzya, ku cigwasya kuyabuya. Kuba ii...”

<sup>27</sup> Nywebo nyoonse, nywebo no basalali, muli cilongezyo kuli ndime. Nda syoma kuti Njo oba cilongezyo kuli ndinywe, mu kuswaya okuno. Elyo Mebo, cindi Ne kajana kuti Nde elede kuswaya tubungwe twaandeene a tubunga, a—a mambungano aindene, azimwi zimbi, bakwesu kwiinda mu Phoenix okuno, moyo wangu waka botelwa. Oyo uboola kumbele lya muswaangano wabaiminizi oyo Ngwe elede kukanana, ku muswaangano mupati wa Bantu Basimakwebo Banakristo, Ndi yeeya kuti, Mujibelo cifumo kalimbabula, elyo mpawo muswaangano wa Munsono masikati, ku kutobela, oyo Munsono mutobela. Elyo lyoonse ncoolwe ca kuswaangana a bakwesu abo. Ndi yeeya kuti bajisi zyuuno zitandila ku myaanda ili makumi obilo ayosanwe okuya. Busena bukubwene bwa ndiswe toonse. Elyo tu langila kuyo muswaana okuya.

<sup>28</sup> Elyo mpawo kuba a ciindi eci ca luswaanano, kwinka kuzwa ku mbungano kuyaku mbungano, a kukanana. Ndi yeeya kuti Nda kambauka cifumo cino kusikila Nda kambauka kwaanga jwi lyangu, kutandila oora a cisela. Elyo oyo wakali umwi mufwaafwi. Kanji nse kotoki kakutanaba maora otatwe na one aa nguwo, ku—ku mbungano ku muunzi. Ndi buyo... Nseli mukambausi. Aboobo Ndi—Ndi panga buyo coongo calutangalo ku Mwami. Ndila botelwa kucicita kabotu loko. Ndi—Ndi yeeyela kuti Ndila ciyanda ncobeni, aboobo Ndi zumanana buyo kucicita. Nda kajisi bwaambe bone na bosanwe bwiindene, Ndila bamusya maningi bantu, aboobo Ndi lizi kuti eco nca bwini. Elyo sunumasiku, cakusyomeka, tuyu zwa okuno kakutanaba wani okuloko. Mebo, Njo tandila ku mupa kaanzambwene kuli ceeco. Ndi buyo, kutandila... Muuya mubotu boobu, a zintu zyoonse zibotu loko, Ndili masimpe Muuya Uusalala uyooba a cilongezyo kuli ndiswe.

<sup>29</sup> Lino, lino Nse kali kuba a miswaangano ya kuponya ili yoonse mu miswaangano. Nda... Busiku bumwi, kunselelo ku mukwesu... Zina lya Jesu, wakali mweembeli nzi? Mukwesu Outlaw. Mbungano ya Mukwesu Outlaw, kwakali banji loko bakali kuyanda kukombelwa. Elyo Nda kajisi mwana wangu waku vozya makkaadi aa mipailo. Elyo mpawo masiku masyoonto, Muuya Uusalala kauli mukuwa loko mu buyake, kusikila... Nywebo nyoonse mulizi. Mwakali mu miswaangano

yangu. Nyoonse nywebo muli jisi. Nywebo mwabona obo kutweluka, azimwi zimbi. Pele lino Nda bona cili mukuvuzya banji kuti bakombelwe. Elyo Nda kabona kuti citaanzi, ku matalikilo Bwatatu a Bwane. Nda kayeeya kuti inga Nda lindila mane Munsono mukainde, nkaambo ikuti na ujisi miswaangano ya kuponesegwa mu mbungano...

<sup>30</sup> Nywebo mwabona, Nda—Nda ambilizya koonse Nkwe kaunka ku muntu oonse kukkanala ku bulizi bwa mulimo wanu Munsono, nywebo mwabona. Eyi miswaangano yandeene iswaya buyo a bakwesu. Elyo tu—tu yanda bantubonse kubamba busena bwanu bwa bulizi, nkaambo mweembeli wanu ula mulindila, alimwi oko nko mweelede kuba.

<sup>31</sup> Aboobo mpawo—mpawo Ndi yeeya kuti, juunza masiku, ikuti na Mwami wayanda, Ta ndi... Mpaali mpo tweede kuba juunza masiku? [Ii mukwesu waamba, "Kutala mu Tempe, ku mbungano ya Mukwesu O'Donnell, mbungano ya Mukwesu."—Mul.] Mukwesu O'Donnell, ku Tempe, Arizona. Lino, ikuti na tojisi cintu cili coonse—cili coonse cisalesale cili mukucitika ku mbungano yako, nkabelia ujisi bantu baciswa, baa, Ndiyo kombela balwazi, juunza masiku, kuba buyo a mundando wa mipailo walyoonse, kukombela balwazi, ndiza—ndiza mu Muvulo, Bwabili. Atu bone, Nde elede... Ndili... Oh, Ndi jisi... Sa Ndi jisi mbungano ya Bwatatu masiku ayalo? ["Iiyi."] Bwatatu masiku. Mpawo ya...

<sup>32</sup> Elyo ila talikila muli Bwane, sa mbo mbubo, muswaangano wabaiminizi? [Ii mukwesu waamba, "Ndi baanga ndi jisi zintu...?..."]—Mul.] Yaa, mukwesu. Uyo bamba kwaambilizya eno. ["Mwabona, tuli waano sunumasiku. Elyo juunza masiku tuli ku Tempe Assemblisi ya Leza. Alimwi mpawo Mountain View mu Sunnyslope mu twenti thrii. Elyo mpawo ku Central Assembly mu tweenti foo."] Yaa, eco cili kabotu. ["Nse kakonzya kuyeeya, lwangu. Nda kabaanga ndanyongana a ncico."] Muta yeeyi eco.

Nda kali kwaambaula buzuba bumwi, kujatikizya, "Nseka konzya kuyeeya."

<sup>33</sup> Elyo Mukwesu Jack Moore wakati kuli ndime, kati, "Yebo uyeeya kuti uli mubi?" wa kati.

<sup>34</sup> Nda kati, "Mukwesu Jack, Nda talika kwaambaula, Nse konzyi kuyeeya eco Nce kali kwaambaula."

<sup>35</sup> Wa kati, "Muta yeeyi kuti eco ncibyaabi." Kati, "Nda tuma ku fooni, kutumina muntuumwi, kwaamba kuti, 'Ino uyanda nzi?' Ee, eco cili mukuba cibyaabi loko!...?...Oh!

<sup>36</sup> Aboobo, ma, eco inga calimvwisya kudana kapati, eco Nce yeeya kuti cili luleme kwaamba a cikambaukilo okuno. Pele bana ba Leza mbana ba kkomene ncobeni, nekuba, nywebo mulizi, aboobo tu—tula yanda ncobeni. Ndali kuyeeya kuti wali musyobo mubotu.

<sup>37</sup> Nywebo nyoonse, bunji bwanu, muli muzyi Mukwesu Jack Moore. Walo uzwa ku Shreveport, Louisiana, Life Tabernacle, mukwesu mubotu loko. Elyo aboobo wa kali kundaambila ceeco. Ngu simulimo mupati, awalo.

<sup>38</sup> Wa kati, "Uta yeeyi kuti eco ncibyaabi, Mukwesu Branham." Kat, "Nda katumina muntuumwi buzuba bumwi, a kwiita mweelwe wabo." Elyo kat, "Ba kavwiila, kat, 'Wapona.' Nda kat, 'Ee, ino uyanda nzi?'"

Nda kayeeya, "Ee, eco cili mukusika kunselelo, Mukwesu Jack."

<sup>39</sup> Aboobo lino, Ndi yeeya kuti inga caba kabotu, elyo aba beenzuma bayanda kukombelwa, a kuleta bantu babo baciswa mukati, mpawo tuyo bakombela.

<sup>40</sup> Lino, sunumasiku, Nda yeeya ali ceeco Nce konzya kwaamba sunumasiku atala awa mu mbungano eyi mbotu niini mbotu. Nda kayeeya, "Ee, Ta ndizi cintu." Nde elede buyo kubweza cibalo ciniini, a kusyoma kuti Mwami uyo sangana majwi amwi, a kucilekela kuwa awo mpo ciyo gwasya muntuumwi. Ku ba... Nse soli kubweza cibalo, Nda sola lyoonse kumvwa kusololelwaa, a kulemba cikama ca Magwalo, azimwi zimbi. Elyo—elyo mpawo, ikuti na Mwami wasololela bwandeene, mpawo Nda unka buyo mbuli Mbwa sololela. Elyo Ndi yeeya kuti eyo nje nzila toonse mbo tweede kucita. Sa tamuciti? Amucite nzila njiyonya.

<sup>41</sup> Elyo lino kuli cintu comwe eco—eco Nce—Nce yanda, umwi aumwi wa mbungano waambilizye ceeci ku mubili oonse. Elyo eco nkuti, kuti ikuti... Cindi mwano kombela mweembeli wanu a bayandwa banu, muta ndilubi, nkaambo Nda mvwisy, mazuba oonse, kwiinda lyoonse, kuti tu selemukila ku mamanino aa lweendo.

<sup>42</sup> Elyo Nda kazikka baama, mvwiki zisyoonto zyainda. Elyo kamujata mu maboko angu kusikila Leza waka tola kuyoya kwakwe a buntu bwakwe ku Julu. Nda kalangilila lufu olo lwantanza lwa mwanakazi waka zwide Muuya Uusalala, a kumubona kaboola nkoonya ku mamanino aa lweendo. Nda kayeeya, "Oh, Nde—Nde elede kuba a banyina boonse mbuli boobo. Nde elede buyo kucita cintucimwi ku jana... kucita eco Nce konzya, kubamba bantu kubona eco nco caamba ncobeni."

<sup>43</sup> Elyo, beenzuma, Ndili lamidwe kuti ndiza cila sakana aniini. Elyo Ndi yeeya kuti tula cuubaubyia maningi aniini awalo obo mbo cibede kasimpe. Ndi yeeya kuti tweede kuyeeya. Ikuti na Leza ula salala loko mane Baangelo baboneka tombe ku meso Aakwe, mbobuti mbo tu boneka? Mwabona? Mbo mbubo. Aboobo tu yanda kuyeeya. Elyo amuyeeye, Leza uli kkede omuya mu Butamani, obo bwiinda kumweka oonse mazuba mu bweende bwa zyazuba amapulaneti. "Uusalala, uusalala," Baangelo kabavumbide masyu

abo, akuvumba ku matende abo, kabauluka mu Busyu Bwakwe, kabalila, "Uusalala." Ino tweede kuba buti? Aboobo tu... Eco ncencico nco tusola kucita.

<sup>44</sup> Elyo—elyo Ndi limvwa mbuli kuti obu, Bwami bwa Leza, buli mbuli muntu waka bweza kanyandi a kuunka ku lwizi, Jesu wakaamba, elyo wa ka waala mukati. Elyo cindi nakakwela, wa katola misyobo minji. Pele nswi zibotu, mubwini, zya kabambwa; alimwi inswi imbi iilya nswinyina zifwide yaka jokela mu maanzi, mbuli krofishi, a—a nzoka, badyolo, a bafulwe, a zimwi zimbi. Pele mancenjela aa Makanimabotu ala jata zyoonse zyaco. Elyo tuli... Kuyooba buzuba bumwi kuyooba ciindi tuyo waala kanyandi kesu kamamanino, Mukwesu Adams. Mbo mbubo. Toli nduwe na Mebo wa kwaamba kuti njili nswi alimwi aitali njijo. Ta tuzi. Tu waala buyo kanyandi a kukakwela. Kwa mana. Leza ulizi Bakwe beni. "Abo Mba kazikale, Wa kabaita; a baabo Mba kaita, Wa kaba lulamika; a baabo Mba kalulamika, Wa kabapa bulemu." Aboobo tula lindila, kusowa buyo kanyandi. Elyo ncoolwe cangu sunumasiku kwiimikila mu mbungano ya Mukwesu Edmonds okuno kugwasya kuwaala kanyandi ku busena obu, kubona ikuti na kuli nswi imwi eyo Leza nja jisi ya Bwami Bwakwe.

<sup>45</sup> Lino, katutana buyo kubala Ijwi, atu kanane kuli Mukamwini wa Ijwi aniini buyo mbuli mbo tukotamika mitwe yesu.

<sup>46</sup> A mitwe yesu kiikoteme, mu kusetekana kwa ciindi eci, kuti tuli mukuswenena ku Ijwi lya Leza muumi, uuli ngu Leza, Nda libuzya ikuti na kuli bantu bali boonse omuno bajisi nkumbizyo aa myoyo yabo, kuti bayanda kwiibalukwa mu mupailo oyu. Ko cizibya ku janza lyaku tambika.

Mwami Jesu, kolanga ku nkamu yabantu, mukuziba myoyo yoonse.

Nda lumba.

<sup>47</sup> Leza siluzyalo a uusalala maningi, Singuzuzyoonse, El Shaddai, oyo waka libonya kuli Abrahamu mu Zina lya "Leza Singuzuzyonse, i Leza-sinkolo, i Sikupa-nguzu, i Sikusanina bakompeme," waboola kuli ndiswe sunu masiku, Taata. Elyo tula mvwisyu bukomppami bwesu a bulubizi bwesu. Twa lyaamba zibi zyesu kumbele Lyako, a kuzibikka aa cipaililo Cako ca mukuba ica lubeta, a kulomba kuti Bulowa bwa Jesu Kristo butole, mu cituuzyo eco nco tubamba. Ko cipa, O Leza.

<sup>48</sup> Twa tuula maumi esu a zyoonse nzo tujisi, a matalenta aakapegwa kuli ndiswe. Mwami, ko cibelesya ku bulemu bwa Leza.

<sup>49</sup> Longezya mbungano eyi, mweembeli wayo mubotu, bamadaikona, basyomesi, a nkamu yoonse, a zizo zyoonse ziboola mu mbungano eyi iitegwa "Luswaanano." Leza, Nda komba kuti baalumi a banakazi, mbuli mbo beendela mu

mulyango oyo wa busena obu, kuti bayo wida kunsi lya kulamwa nkaambo ka matobelanwa mabotu aa Muuya Uusalala mukati mu buyake. Ko cipa, Mwami.

<sup>50</sup> Kojatila zibi zyesu, a nsotoko zyesu, twa lomba alubo. Amuyeeye abo batambika maanza abo. Kunsi kwini kwa janza eelyo, Mwami, kwali moyo wali kulomba cintucimwi kuzwa kuli Nduwe, alimwi antela ndiza Yebo luzutu ukonzya ku cipa. Nda komba kuti Uyo cipa, Taata. Kufumbwa cintu ncoba bulide, kobapa mu bunji. Kuli baciswa bali boonse, Mwami, koba ponya. Ikuti kuli umwi uya buwida mu mbali lya nzila, komu yumya oyo, ayo mazwi akompeme. “I tete lyaka cuzaulwa, Ta katyoki, na i buungu buyo Ta kazimwi.” Alimwi tu lizi kuti Ta konzyi kutanda tete lya kacuzaulwa; Inga wali bambulula. Elyo Nda komba, Taata Wakujulu, ikuti na kuli myuuya iili yoonse iityokede, na-na kutyompwa, na maanza akoompeme kalengelela ansi, a mazwi kali muli cimwi, akube kuti asumpulwe sunumasiku, Mwami. Akube kuti Muuya Uusalala uboole a kuponya myoyo yesu a myuuya, a bantunsi bwesu bwakunyama, elyo tuyu Mu pa kulumbaizya koonse kuli ncico. Twa cilomba mu Zina lya Jesu. Ameni.

<sup>51</sup> Ikuti na muyanda kuvununa ku Lugwalo, buyo ku kwaambaula kwa maminiti ali makumi otatwe, Ndi yanda kuti mubale a ndime kuzwa mu bbuku lya Ciybunuzyo, cipati 19. Elyo Ndi yanda kubala kuyaansi ku kampango ka 7, kusanganya.

*Elyo musule lya yaaya Nda kamvwa jwi pati lya bantu banji ku julu, lyakati, Aleluya; Lufutuko, . . . bulemu, a lulemeko, a nguzu, ku Mwami Leza wesu:*

*Nkambo lubeta lwakwe ndwa bwini alwa bululami: nkambo wa beteka sikuvuula mupati, oyo waka bisya nyika a bwaamu bwakwe, elyo wa liyankoto ku bulowa bwa bazike bakwe ku janza lyakwe.*

*Elyo alubo ba kati, Aleluya. Elyo busi bwakwe bwaka sukila mujulu Lyonse a Lyonse.*

*Elyo bapati bali makumi obilo abone a banyama bone baka wida ansi a kukomba Leza oyo waka kkede aa cuuno cabwami, kabati, Ameni; Aleluya.*

*Elyo jwi lya kazwa mu cuuno cabwami, kaliti, Alumbwe Leza wesu, nyoonse nobazike bakwe, a nywebo nomu myooowa, boonse baniini a bapati.*

*Elyo Nda kamvwa mbuli kuti lyakali jwi lya makamu mapati, alimwi mbuli jwi lya maanzi manji, alimwi mbuli jwi lya nguzu kalizuma, kuti, Aleluya: nkambo Mwami Leza singuzuzyonse ngu lela.*

*Atu kkomane a kusekelela, alimwi amu mupe lulemeko: nkambo lukwatano lwa Kabelele lwa sika, a mukaintu wakwe wali bambila kale.*

<sup>52</sup> Mbuli kukanana sunumasiku aa ciiyo ca: *I Lukwatano Lwa Kabelele*, kwa kaindi buyo kaniini ku... Tuli zizilwe loko ku Lugwalo olu. Kwiina kuzumbauzya pele mweembeli wanu mubotu okuno waka langanya ciiyo eci ziindi zinji.

<sup>53</sup> Elyo, kuti, tu lizi kuti kuyooba Nabwiinga, elyo kuyooba cilalilo ca mucado ciyo beleka mu milengalenga. Obo mbwini buyo kuba, mbuli Leza mbwabede, nkaambo ndi Ijwi Lyakwe. Elyo tu lizi kuti abo bayopanga oyo Nabwiinga bayooba Mbungano Yakwe, alimwi bayo libonya kumbele Lyakwe kakutakwe kabala na kaimba. Elyo bali jisi zibelesyo aa nyika lino kulibamba beni. Ikuti na mwalandisya, Lya kati, "Waa kalibambilwa mwini."

<sup>54</sup> Banji loko balati, "Ikuti na Mwami uyo gwisya muuya oyu mubi kuzwa kuli ndime, kuzwa kukunywa, na kuzwa kukuma njuka, na kuzwa ku kubeja, na kubba, Ndiyo Mu belekela."

<sup>55</sup> Pele eco cili kuli ndinywe. Mwabona, mweelede kucita cintucimwi, anywebo. "Abo bazunda bayo kona zintu zyoonse." Abo bazunda. Muli jisi nguzu zya kucicita, pele mweelede kuyanda ku cibikka ansi. Mwabona? "Waa kalibambilwa Mwini." Nda botelwa Ijwi eelyo.

<sup>56</sup> Nywebo mwabona, Leza takali kukonzya kututonta kwiinda mu paipi liniini, kutu kwela ku mamanino ambi, elyo mpawo kwaamba, "Ulacoolwe oyo uuzunda." To kajisi cintu cakuzunda; Wa ka kusungilizya buyo kwiindamo. Pele weeblede kubamba kusala kuli lwako. Nde elede kubamba kusala kuli lwangu. Mu kucita eco, tu tondezya lusyomo lwesu a bulemu kuli Leza.

<sup>57</sup> Abrahamu waka syomezegwa mwana, pele weeblede kubamba cisymezyo eci kwa myaka ili makumi obile ayosanwe, buboto a bubi mbwa kajisi, a masunko, mu myaka eyo ili makumi obile ayosanwe. Pele wa kajatilila ku ijwi lya cisymezyo.

<sup>58</sup> Elyo Israyeli yaka syomezegwa nyika ya cisymezyo, pele bakacita kulwanina kabeela konse ka njiyo. "Kufumbwa awo ndyato zya maulu anu mpo ziya kulyata, awo Njo mupa," Leza wa kaambila Joshua. Ca kali koonse kuya. I nyika yakaliko, nkabela Leza wakaipa kuli mbabo, pele beeblede kwiilwanina.

<sup>59</sup> I nzila njiyonya mbo cibede kujatikizya kuponesegwa kwa Buleza. Leza uli jisi nguzu zya ku kuponya, ikuti na uli jisi camba caku citambula, pele uyo lwana kabeela koonse ka nzila.

<sup>60</sup> Leza ujisi luzyalo lugambya lwa kukufutula, nkabela Uyo cicita, pele uyo lwanina kabeela koonse ka nzila yako.

<sup>61</sup> Nda kali kunze lya cikambaukilo, nkeyabuya kwa myaka ili makumi otatwe aumwi, nkabela kabeela koonse ka ceeco cakali kulwana, cakuzumanana. Ca kacita nconzyo.

<sup>62</sup> "Pele tweelede kulwana ikuti na tweelede kulela." Aboobo tu jana kuti Nabwiinga weeblede kulibambilwa Mwini. "Kolibambilwa kubikka ambali zitucelezya zyoonse zitunamatila kapati,

kutegwa tu zuze muzundano alukakatilo lubikkidwe kumbele lyesu.” Twe elede kuzibikka ambali, lwesu. Ta tukonzyi kwaamba, “Leza, Wa boola, kuba bikka ambali nkambo ka ndiswe.” Twe elede kucita ceeco, tobeni.

<sup>63</sup> Lino, Ndi yanda kuyeyya micado. Nda kajisi coolwe ca kukwatanya bantu basyoonto bakubwene. Elyo Ndi yeeya kuti, cindi Nda leta mwaalumi mukubusyi a mwanakazi mukubusyi kunselelo ku cipaililo, a kuba bona kabaseluka kwiinda mu mbungano; elyo walo, mubotu kasamide zikobela zyakwe zya mucado, a cisitilizyo kubusyu bwakwe a kulengelela ansi; a sibwiinga, katonkomene, kasamide kabotu; a mukubusyi azwide nsana akuyandisisya, mbuli mbo beenda awo mu buumi bwabo mpobuli kabotu kapati, a kubweza cikonke eco ca lukwatano, Ndi yeeya kuti kuli cintucimwi cibotu kujatikizya ncico. Kuli cintucimwi cisetekene, nkaambo kakuti cindiyeeyza kuti kuyooba mucado umbi mupati buzubabumwi, cindi Nabwiinga wa Kristo akusika keenda kuselemuka tuzila twa Bulemu.

<sup>64</sup> I Sibwiinga uyo bamba zintuzyonse. Kuyooba mucado a cilalilo. Obo mbo tu yanda kuyeyya kukkanala aa tafule kuzwa kuli umwi aumwi, a kusukana maanza kuli umwi aumwi, a misozi kiimbulumukila aa masaya esu. Elyo amuyeeye, Uyo boola koonse, kusinda misozi yoонse kuzwa ku meso esu, akwaamba, “Uta lili. Ca mana lino. Amunjile mu lutangalo lwa Mwami lwaka bambilwa ndinywe kuzwa ku malengelo aa inyika.” Oh, mukwesu, eco ciyo tubamba kuyandana kuli umwi aumwi cakwinda.

<sup>65</sup> Ndi yeeya kuti eelyo ndepenzi a Mbungano, Nabwiinga sunu, eco cibambidwe a mambungano oonse ayo asyoma muli Kristo. Ta buli buyake bwa mbungano, naanka kabunga na kabungwe, pele balo mbagame bali mu mbungano abo bapanga Nabwiinga.

<sup>66</sup> Ndi jisi mweenzuma mubotu mu Louisville, Kentucky, Dr. Wallace Cauble, oyo wakali mukautausi wa Mbungano ya Kristo, a kunjila a kutambula Muuya Uusalala, a beembeli umwi mupati maningi, mambungano mapati loko mu Louisville, mbungano ya Mulyango Uujukide. Wa kali mweenzuma muyandisi loko kuli ndime. Elyo mazuba masyoonto ainda, Nda kalimvwvi mu kagwagwa, elyo Nda kamubona kaselemuka mu kagwagwa. Elyo lyoonse Nda kamuyanda, awalo wa kandi yanda.

<sup>67</sup> Pele buzuba bumwi wa kajisi kupandulwa kwa makoto aku moyo, elyo wakali kuzwa bulowa calufu. Elyo baka mutolede kunselelo okuya ku Saint Joseph Hospital, nkabela ba kati wakali kufwa. Elyo Muka. McSpadden waka nditumina, kati, “Dr. Wallace Cauble.” Nse na muziba pe, pele Nda kalizi kuti kwakali mbungano mpati ya Mulyango Uujukide. Kati, “Uli mukufwa. I madokotela baka mupa kuyaswa kwa nyeleti, zintuzyonse zimbi. Ba kamusuma mukati. Ula zumanana kuzwa malowa, nkabela taba konzyi kulesya bulowa kuzwa. Bulowa

bwakwe tabu kaangani, alimwi nywebo mulizi, kulesya kuzwa kwabulowa.” Elyo kati, “Ba jisi mamissionari omuya, nkabela bayanda kuti uboole, kuzo mukombela.”

<sup>68</sup> Ee, Nda kamvwa zya Dr. Wallace Cauble, elyo aboobo Nda kabaanga ndabotelwa asyoonto, pele Nda kaunka okuya. Elyo cindi Ne kalanga mu kaanda ka cibbadela, kwakali mamissionari a bakutausi bapati, boonse omuya, kabalila a kukomba. Elyo Nda kayeeya, “Oh, ma! Aniini mebo, mubumbulusi uusalala muniini, konjila omuya? Ncibotu ndakkala buyo awa.” Aboobo Nda kaselemukila kunze lyu muncina wa Coltchi okuya mu hoolo. Nda kakomba kuli Leza, ku—ku leka bulowa, ku Mukwesu Cauble. Nda kajokela kunselelo a kuzwa.

<sup>69</sup> Nda kazwaa kusika ku ng’anda, kutandila maminiti aali kkumi aosanwe, elyo fooni yaka lila alimwi, akuyanda kuziba oko kwakalikumuka kwangu, cakuti Nse kaliko okuya. Elyo Nda kati, “Nda—Nda boola. Pele kwakali banji loko omuya. Nse—Nse limvwa kusololelwu kunjila, ndiza, mwabona, banji loko, bakutausi bapati omuya.”

<sup>70</sup> Mpawo wa kati, “Boolu ndyoonya lino.” Kati, “I muntu takonzyi kupona pele kaindi kambi.”

<sup>71</sup> Aboobo Nda kapiluka, alubo. Elyo cindi Ne kanjila omuya, wa kali kusola kuleta mucizi muna Katolika kutambula Kristo mbuli Mufutuli wacigaminina; elyo walo kazwa bulowa, a bulowa kabuuluka kuzwa ku mulomo wakwe. Nda kanjila.

Elyo wa kati, “Wapona buti?”

<sup>72</sup> Elyo Nda kati, “Wapona buti?” Wa kali kkede mu bulo, a kukola mbuli boobo, a bulowa kabuyutuka.

Elyo wa kati, “Nduweni zina lyako?”

Elyo Nda kati, “Ndili Mukwesu Branham.”

<sup>73</sup> Elyo wa katalika kulila, kandibukata a maboko akwe. Nda kafugama ansi okuya.

<sup>74</sup> Lino, ngu Dr. Wallace Cauble, wa mbungano ya Mulyango Uujukide mu Louisville. Komu janina lugwalo. “I bulowa bwakaima mu kavwallu ako.” Tii bwa keenda, kuzwa eelyo. Mwabona? Elyo twa kali beenzuma, babotu loko kuzwa ciindi eco. Elyo buzuba bumwi, Nda kamuswaana. Elyo wa kati . . .

<sup>75</sup> Oswald J. Smith, bunji bwanu muli muzi Mukwesu Smith. Ngu missionari mupati, alimwi ula boola ku Mukwesu Cauble, nkaambo ula muyanda kabotu loko. Wa kati, “Mukwesu Cauble, nywebo mulizi,” wa kati, “Ndi . . .” Cintucimwi kujatikizya mukaintu wakwe. Wa kati, “Cindi Ne kasaanguna kukwata,” kati, “Nda kalimvwa mbuli, ee, ikuti na Nda lubizya, Ndiyo cita, oh, inga Nda jana umwi umbi,” nkaambo wa kali mukubusyi. “Pele,” kati, “bana bamana kuboola ambali,” kati, “mpawo cibaanga nciyumu kucita kakutakwe nguwe. Mpawo nce cindi

wasika kutandila myaka ili makumi osanwe yakukomena, to konzyi buyo kucita kakutakwe nguwe. Elyo mbuli mboya bukomena, baa, yebo—yebo ulimvwa nzila eyo.”

Nda kati, “Ndi yeeyela kuti eco cili kabotu.” Nda kali . . .

<sup>76</sup> Eco ciiyo caka yutuka, mulizi obo balindu mbo bakonzya kuula zintu mu cintoolo, elyo mukaintu wangu wakaliko omuya. Elyo ngu namalelo wa coonse ca ncico. Ula kkala buyo ciindi coonse. Matende angu atakweakwaaya akati ndijaye, ku kagwagwa kweenda konse a nguwe. Elyo wa kali kundaambila, kati, “Ee, to konzyi buyo kucita kakutakwe nguwe.” Alimwi oko kwaamba mbo kwa kayutuka.

<sup>77</sup> Cindi Ne kaunka ku ng’anda, Nda kakkala mu kaanda omuya, nkeyeeya, “Mbo mbubo.” Nda kacibikka ku cintucimwi cimbi.

<sup>78</sup> Nywebo mulizi, cindi Ne kasandulwa lutaanzi mu i . . . kaba mukambausi wa Missionari Baptisti, Nda kayeeya, “Ikuti na muntu takali muna Baptisti, taka futukide ncobeni. Nku koonse kwakaliko kuli ncico.” Elyo Nda kajisi Bbaibble kunsi lya kuboko kwangu, elyo Nda kayeeya kuti Mwami waka ndiita kubamba boonse kuba ba Baptisti. “Elyo bantu boonse tii bakasyoma mbuli buyo bana Baptisti mbo bakasyoma, tee bakali mu ciimo pe.”

<sup>79</sup> Mbuli mazuba mbwa kazumanana, Nda kayeeya kuti Nda kajisi mulimo woonse wakucita, lwangu. Elyo Nda kaboola kujana kuti, Nda kabona mukwesu uumbi oyo waka jisi mbungano, mweembeli. Wa kakwela awalo, canguzu buyo mbuli mbo Nda kacita. Kakuli, ngubo ila vumba aniini kuya kuli nguwe awalo, nywebo mulizi.

<sup>80</sup> Mpawo tu jana kuti, tu yandikana umwi aumwi. Elyo lino, twamana kutilika kusika boobu ambali, cibaanga nciyumu kucita kakutakwe umwi aumbi. Kwa mana. Twe elede kuba a umwi aumbi, oyo. Elyo Ndi syoma kuti oko kuli mu mulimo oyu mupati wa pentekoste. Ndili kkomene kubona lubaya olo lwa kancimwa kupasauka, i Mbungano mpati ya Leza yaku talika kuli kamantanya lwayo antoomwe mu luswaanano. Caamba kuti mucado ulaboola munsi loko lino. Elyo mabwe, ala gwamwa cabusale mbuli mbwa konzya kuba, ali jisi busena bumwi mu buyake obo, ikuti na mabwe aa Mwami.

<sup>81</sup> Lino, lukwatano, mu kuyeeya kumwe, ncikozyan. I lukwatano lwaansi awa ncikozyan ca lukwatano lwakujulu. Lino atu cilingule, kwa kaindi kasyoonto, ku ciloolola asyoonto.

<sup>82</sup> I cintu citaanzi ciliko, kweelede kuba muzeezo uubambidwe. I cintu citaanzi, citola, mu lukwatano lwa kunyama, muzeezo weeblede kubambwa. I mulindu mukubusyi weeblede kubamba muzeezo wakwe, naa ula tuyanda mwaalumi oyu mukubusyi; alimwi mwaalumi mukubusyi, naa ula tuyanda mwanakazi mukubusyi. Kweelede kuba muzeezo ubambidwe, nkabela

weelede kuubamba. We elede kuba mwanakazi luzutu mu inyika oyo ngo yanda, alimwi we elede kuba mwaalumi alikke. Ikuti na tacili obo, mpawo wakabamba muzeezo uulubide.

<sup>83</sup> Elyo nje nzila njionya mbo kubede kwiinda ku kubamba muzeezo wa Kristo. I cintu citaanzi nco mweelede kucita, nku bamba muzeezo wako naa uyo belekela Leza aku Mu bweza mbuli Mufutuli wako, nape to kacicit. Sa uyo belekela inyika? Sena uyo belekela Kristo? Yebo weelede kubamba muzeezo wako. Kweelede kuba muzeezo uubambidwe. Cindi wa bamba muzeezo wako, kuti uyo belekela Leza na lubono, mpawo ula bweza kusala kwako. Pele muzeezo weelede kubambwa.

<sup>84</sup> Elyo mpawo, muzeezo wamana kupangwa, kuti uli obo, mpawo kwasika kutangana. Oko, ula kujana oko ku cipaililo. We elede kubamba kutangana lukamantano olu kalutana konzya kuba. Elyo nje nzila mboibede ku Mbungano ya Kristo. Kweelede kuba kutangana kuli Kristo, ii—ii cisyomyo, kutangana, makani aluyando.

<sup>85</sup> Elyo mpawo, cintu citobela, zyalozyalonziyomyo. Kweelede kuba zisyomezyo zyakabambwa kuli umwi aumwi, mbuli boobo mbo panga cisyomezyo. “Oyandwa, ikuti na ukandi kwate, Nda syomezya kuti Njo syomeka akuba wabwini. Nse kalangi ku mwanakazi umbi.” Na, “Nse kalangi aa mwaalumi umbi. Alimwi Njo cita zyoonse ezyo mbuli bulizi, mbuli mukaintu. Tuli jisi bana, bayo cita boonse mbuli bulizi mbuli ii—mbuli banyina. Ndi—Ndi yooba sikubamba ng’anda.” Zisyomezyo ezi zyoonse zyelede ku bambwa, na zyelede kuba, mu mucado uululeme.

<sup>86</sup> Elyo nce cintu nciconya cindi waboola kuli Kristo. “Mwami, ikuti na Uyo nditambula mu Bwami Bwako, Nda syomezya.” Mpaawo we. “Njo Ku yanda. Njo syomeka kuli Nduwe. Njo Ku belekela, isikati a masiku.” Neibi loko tula luba oco. “Ndiyo Ku belekela, isikati a masiku. Ndiyo bindaana. Ndiyo komba. Njo syomeka kuli Nduwe. Njo leta zimanyakumi zyangu mu ciyobwedo. Njo—Njo—Njo komba, ziindi zinji a buzuba. Ndiyo—Ndiyo cita cintu cili coonse. Elyo Ndiyo syomezya luyando lwangu loonse kuli Nduwe.” Eco ncencico ncoelede kucita. Obo mbombubo ncobeni, awo mpo kasyomezya ceeco, alimwi ceelede kuzwa ku moyo wako.

<sup>87</sup> Ikuti na wasyomezya mulumi wako obo, alimwi kutali kuzwa ku moyo wako, ko caamba, to poni cakululama ncobeni anguwe pe. Abaanga makani akulisungilizya buyo kuba.

<sup>88</sup> Amulange awa. Ikuti—ikuti na to jisi meno, alimwi ubelesya meno a bubeji, lino, eco cili kabotu. Nku sintanya meno ayo ngo kajisi ciindi cimwi. Pele, mubwini, meno ayo taaswaangene a nduwe. Tacili cibeela cako. Ikuti na waka jisi ii—ii kuboko kwabuyuo, nkabela waka bikka kuboko kwa bubeji, ee, oko

kuboko ta ku swaangene ncobeni a nduwe. Ku syonkedwe buyo kuli nduwe. Mwabona? Taku swaangene a nduwe.

<sup>89</sup> Elyo cindi twa bweza cikonke cesu kuli Kristo, ikuti na tatubi cibeela Cakwe, mbuli mwanakazi mbwaelede kuba cibeela ca mwaalumi a cibeela ca mwaalumi ca mwanakazi, mpawo tuli Banakristo bakupanga. Ta tuli obo, kasimpe. To kwete ncobeni ku mwanakazi oyo. Inga kosyomeka. Ikuti na to yandi mulumi wako, alimwi walo myaka ili makumi ali cisambomwe na makumi ali ciloba yakukomena, elyo tomu tuyandi kabotu mbuli mboka kacita ku matalikilo, mpawo ukomezya buyo bana bakwe.

<sup>90</sup> Eyo nje nzila mambungano mbwa bede, manji loko sunu. Tu bweza buyo zina lya “Mbungano ya Bunakristo,” kulicenggeezya kuba Nabwiinga. Kakuli, nca kupanga. Ta tuswaangene a Kristo muli konse. Tuli mbuli linyo lya kupanga, kuboko kwa kupanga, liso lya kupanga. Mwabona? Ncintucimwi eco nca kupanga ikuti na twa cibikka buyo. Ee, tamu konzyi kusama Bunakristo. Yebo weeledе kuswangana a ncico.

<sup>91</sup> Elyo mpawo mbungano ya kulipanga buyo, iitegwa mbungano ya Kristo, ee, balo bana mpawo tabako Omuya, abo bazyalwa ku kabunga ako nkakonya. Ngu biyo... Tabali bana ba Kristo. Mbana batubungwe, a kutali bana ba Kristo.

<sup>92</sup> Ikuti na mwanakazi taswaangene a mwaalumi mu ciimo cabwini, nkokuti tali mulumi wakwe. Kwalo mwaalumi buyo waka bweza cikonke caku pona anguwe, nkabela wa kacita eikonke citali kabotu. Waa kasyomezya ku tuyanda, alimwi waa kati waka tuyanda, nkabela ta kacicita. Ciindi coonse, mwaalumi ula cengwa.

<sup>93</sup> Pele kuli cintu comwe masimpe, beenzuma, tatu kacengi Kristo. Uli zyi Bakwe beni.

<sup>94</sup> Pele, nywebo mwabona, lutaanzi, kusala kula bambwa. Citobelа, Kutangana. Mpawo, cisyomezyo.

<sup>95</sup> Elyo, mpawo, pobwe. Elyo nce cindi nabwiinga—nabwiinga abweza zina lya sibwiinga. Ta cili limbi mpawo ku zina lyakwe mwini. Ula bweza zina lya sibwiinga.

<sup>96</sup> Elyo mpawo cindi Mbungano noijisi kusekelela, kubamba zisyomezyo zyabo, mpawo Ula bweza Zina lya Sibwiinga. Mpawo Ta cili mbungano ya nyika. Ngu Mbungano ya Mwami Jesu Kristo. Amen. Kutali... Ta ndaambi, eco, ku zina. Nda amba, eco, ku Kuzyalwa, ku bupange, ku nguzu zya Leza. Kwiinda ku Bwini bwaka yubununwa ibwa Leza, mu moyo, Ulaba Mbungano ya Bunakristo, Mbungano ya Banakristo ya apostolo mpati ya boonse. Ya kaba cibeela ca Kristo. Cindi Acita ceeco, Waa... Kristo ulanjila muli Nguwe Muuya Wakwe Mwini, Buumi Bwakwe mwini. Elyo Bbaibbele lyakati, kuli Adamu a Eva, okuya, “Tamu cili bobile limbi, pele bomwe.” Elyo cindi mwanakazi, Mbungano, yakwatwa kuli Kristo, tabacili bobile.

Bali Bomwe. Kristo muli nduwe! Ameni. Nce ncico. Buumi Bwakwe bwaletwa muli nduwe, mpawo yebo waba Nabwiinga.

<sup>97</sup> Mpawo, cintu cimbi, amana kucita zyoonse ezi zikonke, a zimwi zimbi, a pobwe ly a kaambwa:

<sup>98</sup> Mbuli, zina ly a mukaintu wangu lyakali ly a Broy katana kwatwa. Lino, tacili Broy. Ngu Branham. Lino, ta cili Broy limbi. Ngu Branham.

<sup>99</sup> Elyo cindi wanjila muli Kristo, to cili wa inyika. Uli wa Kristo. Mwabona? Tokwe ndaba mpawo ku zintu zya inyika. Zili fwide kuli nduwe. “Nkambo oyo uyanda nyika, na zintu zya nyika, luyandisyo lwa Leza taluli muli nguwe akwalo.”

<sup>100</sup> Aboobo, nywebo mwabona, to konzyi kuba Munakristo wakupanga. Ula konzya kuba Munakristo, ulibanda wakupanga.

<sup>101</sup> Pele to konzyi kuba Munakristo, waba, kusikila Kristo wa li njizya Mwini, kwiinda ku lubbizyo lwa Muuya Uusalala, muli nduwe. Mpawo uli swaangene a Nguwe. To cili bobile limbi. Uli Omwe. Kristo wakasyomezya kuba muli ndiswe, mbuli Taata mbwakali muli Kristo. “Mebo a Taata Wangu tuli Bomwe. Yebo a Ndime tuli Bomwe.” Mwabona? Kristo muli ndiswe! Koonse obo Leza mbwakabede, Wa katila muli Kristo. Elyo koonse obo Kristo mbwakabede, Wa katila mu Mbungano, ku kuzumanana mulimo wa Makanimabotu.

<sup>102</sup> Mpawo twaba, kutali ku zina ly a kulipangila, pele ku kasimpe ka Muuya Uusalala wa Buumi kau tuswaanganya muli Kristo. Mpawo, kwiinda mu nguzu zya bubuke Bwakwe, twa kabuka kuzwa ku zintu zifwide zya inyika, a kukkala a Nguwe mu masena Aakujuju. Ameni. Nda ciyanda eco. Sunumasiku, tuli kkede mu masena Aakujuju muli Kristo Jesu, mwabona, twa kabusigwa a Nguwe; kafwa ku zintu zya inyika, a kuzumanana ali Kristo. Cindi twa kasama Kristo, mpawo inyika ilifwide, mpawo tatu cibikkili maanu ku inyika. I inyika ili fwide kuli ndiswe. Elyo tuli . . . Elyo ili fwide kuli ndiswe, aswebo tuli fwide kuli njiyo.

<sup>103</sup> Uli muntu wandeene, bubebwabuntu bwandeene, nkaambo uli cilenge cipy. Bulenge! Kutali bulenge mbubonya, bwakalondolwa; kutali ii—ii muntu wakanyona matu mapya. Pele muntu oyo wakafwa, akuba wa kuzyalululwa, akuba bulenge bupya muli Kristo Jesu, a Muuya wa Leza muumi uupona mu muntu.

<sup>104</sup> Lino, mbubonya mbuli mwanakazi mbwa tacili Broy, ngu Branham, alimwi uleenda ku zina eelyo.

<sup>105</sup> Elyo Mbungano tai cili buyo ya nyika, pele ili mu Zina ly a Kristo, Yalo mboibede. Uli swaangene a Nguwe, kwiinda ku Buumi Bwakwe Mwini.

<sup>106</sup> Sena mwakasola kubala mu Lugwalo, obo muntu mutaanzi, Leza mbwa kabamba, wakali ii—ii muntu uzumanana? Adamu wakali kobilo Adamu a Eva, kukanana kwa kumuuya, pele cindi Na kapanga muntu mutaanzi mu cinkoza Cakwe mwini. “Elyo Leza ngo Muuya.” Pele, cindi Na kaba bikka mu mibili wabantu, Wa kabandaanya. Wa kabweza muuya wabwaalumi, kaubikka mu muntu, a kabweza muuya wa bwanakazi a kuubikka mu mwanakazi.

<sup>107</sup> Lino, cindi wabona mwanakazi uyanda kulilemeka mbuli mwaalumi, kuli cintucimwi cilubide. Cindi wabona mwaalumi uyanda kulilemeka mbuli mwanakazi, kuli cintucimwi cilubide. Aboobo kuboneka mbuli kuti inyika ili lubide koonse, sunu. Baalumi basola kulilemeka mbuli banakazi; banakazi mbuli bamaalumi. Mbo mbubo. Bwalo mbwini.

<sup>108</sup> Lino amulange. Cili londokede loko, kuti cindi Leza nakabweza a kupanga muntu, a kutondezya kuti Ta kali kuyanda kuzwa ku cintu cili coonse candeeene, mwanakazi takali mu bulenge butaanzi. Aboobo tali mu bulenge, pele walo ncibeela ca Adamu. Walo ncipangulule. Ula inka ku lubazu lwa Adamu, kutali kupanga cilenge cimbi, pele kabweza cibeela ca cilenge a kupanga cilenge cimbi kuzwa kuli ncico. Elyo Wa kabweza muuya wabwaalumi oyo wakali muli Adamu... Elyo kabweza muuya wa bwanakazi wakali muli Adamu, mubwini, a kucibikka mu mwanakazi. Aboobo, koonse muuya a mibili, baba bomwe.

<sup>109</sup> Cakali cikozyanyo cibotu kuli ceeco Leza nca kacita ku Kalivari. Wa kabweza Kristo, a ku Mu swaanganya a Mbungano, kwiinda ku lubazu lwa kuli yuma, Wa kaleta Bulowa obo bwakasalazyu muntu, oyo usalazyu nyama ya Mbungano, a kubikka Muuya wa Leza muumi, oyo Ngwa kagusya kuzwa ku ciingano okuya, kuzwa muli Kristo, a ku Ci bikka mu mugame. Mpawo bali bomwe. Ba kaba bomwe. Kristo anduwe muli bomwe.

<sup>110</sup> Elyo yebo a mulumi wako mweelede kuba bomwe. Ikuti na kuli cintu ciimpene, nkokuti kuli cintu cimwi cilubide ku lukamantano lwako.

<sup>111</sup> Elyo ikuti na kuli cintu ciimpene kuli ndiswe, kuli Kristo, ta tusyomi Ijwi Lyakwe, kwaamba, “Oh, eco cakali ca mazuba ambi,” kuli cintucimwi cilubide ku lukamantano lwesu a Nguwe. Ikuti na wati, “Mazuba aa maleele akainda; kwiina kuponsegwa kwa Buleza; kwiina lubapatizyo lwa Muuya Uusalala,” bikka ceeco kusule kubusenabumwi, eco citondezya kuti Muuya wa Kristo tauli muli nduwe.

<sup>112</sup> Nkaambo, “Ku matalikilo kwakali Ijwi, alimwi Ijwi lyakali antoomwe a Leza, alimwi Ijwi wakali Leza. Elyo Ijwi lyakaba mibili wabantu.” Elyo mpawo cindi Ijwi Lyakwe lya boneka kapati muli nduwe, mpawo, yebo wabona, ngo nduwe a Kristo mwaba bomwe mpawo. “Ikuti na mwakkalilila muli Ndime, a

Ijwi Lyangu muli ndinywe, inga mwalomba eco nco muyanda,” nkaambo tamu cili ndinywe. Ndi Ijwi lya Leza, Kristo muli ndinywe. Nywebo mwaba bomwe. Ncibotu.

<sup>113</sup> Mpawo, cintu cimbi, nakamana kucita ceeco, nakamana kuzulizya zikonke zyakwe, a kubweza lukwatano lwakwe, a kubweza zina lya mulumi wakwe, i zina lya sibwiinga, mpawo ngu sikukona wa zintuzyonse nzya jisi. Walo ngu sikukona wa zintuzyonse. Mukaintu wako ngu sikukona wa zintuzyonse nzo jisi.

<sup>114</sup> Elyo nce cintu eco Mbungano mboibede, ikuti na Ya kali cizi biyo, mukuba cibeela Cakwe a Muuya Wakwe muli Nguwe. Wa kat, “I milimo eyo Nje cita muyo icita anywebo. Mipati maningi kwiinda eyi muyo icita, nkambo Nda unka kuli Taata Wangu. Ii kaindi kaniini, nkabela inyika tiika Ndi boni limbi; nekubabobo muyo Ndi bona, nkambo Njo oba andinywe, akwalo muli ndinywe, kusika ku mamanino aa inyika.” Mpawo ngu Kristo muli ndinywe. Uli swaangene antoomwe, alimwi uli baswaana a Nguwe.

<sup>115</sup> Elyo ikuti na Wa kali ano aa nyika, ino inga Wa citanzi? I cintu nciconya Nca kacita okuya, nkaambo Ngu mbobuca nguwenya, sunu, amuya myaaka. Uyo bikkila maanu kujatikizya mulimo wa Wisi. Uno koponya balwazi. Uno cita maleele. Uno cita mbubonya buyo Mbwa kacita cindi Na kali waano aa nyika, nkaambo Walo ucili mbobuca nguwenya, sunu, amuya myaaka. Cili londokede buyo. Olo ndo lukwatano.

<sup>116</sup> Pele, lino, ino kuti mwanakazi oyu wakwatwa, acita zyoonse ezi zikonke a zintuzyonse, elyo ulaba mulumi wa mwaalumi oyu, alimwi walo sikukona kuli zyoonse nzya jisi, a zimwi zimbi, elyo mpawo ula nyongana? Wa katalika cakufwambaana mu kulilemeka kutali kabotu. Ula talika, kutobela baalumi bambi. Kutali biyo obo, pele waabana luyando lwakwe abambi. Ii mwaalumi a mukaintu wakwe, zisyomezyo zyoonse ezyo nzyoba kapanga, elyo mpawo waa unka a katalika kwaabana buumi bwakwe kuli bamwi, luyandisyo lwakwe a kuyandisya kwakwe kuli bamwi.

<sup>117</sup> Eco nce ncico bunji bwa bategwa Mbanakristo ncoba cita, kwaabana luyando a inyika: kabalizya, kuzyana, kuuma njuka, kukkala ku ng’anda kuzwa ku miswaangano ya mipailo, ku kulangilila cipekupeku, misyobo yoonse ya zintu zya inyika ezyo zyaka bweza busena bwa luyando lwa Leza, mu moyo wa mbungano. Waa kainka mu kulilemeka kutali kabotu. Waa kapilingana. Waa kainkila baalumi bambi. Uli mu kwaabana luyando lwakwe. Uyo bweza kwakkumi kwakwe kwa keelede kupa ku mbungano; uyo ibelesya mu zintu zimbi omuya mu inyika. Uyo... Mubusena bwa kuyanda Leza nzila nja elede kucita, a kuponena Leza, a kuyanda kuboola ku cikombelo, weeleda kutandila ku musungilizya kuboola.

<sup>118</sup> Baa, Ndi lizi, okuno kutali ciindi cilamfu cainda, ii—ii mukutausi waka ndaambila kuti wa katuma mipailo minji loko... makkaadi manji loko, ku citya bantu ku citondezya, kuti bayo syomezya cinicini kuboola ku kwiiya kwa Munsono nokuceya myeezi ili cisambomwe kuzwa mu mwaka oonse.

<sup>119</sup> Elyo Nda kabona musimbi muniini wakaindi kunselelo ly cilundu okuya, oko Nkwe kali kubeleka. Elyo waa kazwa awo. Elyo Nda kaliimvwi ku mulyango, kakonkomona aa mulyango, nkabela waa kasika ku mulyango. Alimwi waa kali umwi wa sikucita nkamu ya babelesi okuno ya kupapila, nywebo mulizi.

<sup>120</sup> Mbuli nkamu eyi bakacita kwaanga kumusanza okuno ku Phoenix busiku bwainda, Nda syoma mbo cakabede, kucita lupilingano olu lupya lwa—lwa cizyano cakuliyuumba buniini, na masena obilo, kufumbwa mbo cakabede, elyo baka cita kuleta basilikali kuzo batola. Nobantu baniini, sa tamu mvwisyi kuti oyo muuya wa dyabulosi? Kubweendelezi bwa koongeleyza, mane tii bakazi kuti bakali bani, kuya mu tugwagwa, kaba zumanana.

<sup>121</sup> Mbuli baaba bamwi basikudana, na basikucita marekkodi, abasikweenzya mbizi abamwi, kuya mu busena, mu dolopo Mwe kabede. Elyo balindu bakubusyi kaba samununa zisani zyabo zyakunsi aku ziwaalila a cibumbili, kutegwa oyu mulombe kasaina zina acintu eco. Sa tamu mvwisyi kuti oyo ngu dyabulosi? Walo muuya wa mazuba aakumamanino. Masimpe. Alo mause loko. Mpaawo we, kapilingana.

<sup>122</sup> Oyu mwanakazi mukubusyi, waa kazwa, kalilemeka bumwi. Taa kazi akwalo kuti Nda kali... Kandi luba nkeimvwi ku mulyango. Elyo waa kati, “Oh, ndijatile. Nda luba kujatikizya nduwe koimvwi alya.” Elyo waa kamyonta oyo mulombwana ku redio, kufumbwa mbo cakabede, a kuti, “Njo kuswaana ku Greenbrier Patch,” na kufumbwa mbo cakabede. Ba kali kuyooba musyobo umwi wa cizyano busiku obo.

Elyo Nda kati ku Dr. Brown, oyo wakali mulongwe wangu.

<sup>123</sup> Wa kati, “Mbobuti mbunga yako mboili jatilide awo, Billy?”

Kati, “Ncibotu.” Nda kati, “Tu bapa mapiilu.”

Wa kati, “Ino musyobo nzi wa mapilusi?”

<sup>124</sup> Nda kati, “Makanimabotu. Eco cila babamba ncobeni kuboola ciindi coonse.” Mwabona?

<sup>125</sup> Elyo wa kandaambila kujatikizya ceeco, kusainina ezyo zikonke. Elyo Nda kati, “Dr. Brown, sena uyeeya kuti oyo simisobano wa zyabuyo cisobano ku redio eyo uyo bamba oyo musimbi kusaina cisyomyo kuti uyooba okuya busiku obo na? Nee nconzyo. Waa kajatizya ezyo zikobela nzya kasamide, kuti akasike okuya.” Nkaambonzi? Ncintu cimwi muli nguwe eco ci swaangane kuli nguwe, i muuya, kuli sangabalisyia kwanyika.

<sup>126</sup> Elyo kusikila Mbungano ya Leza muumi, eyo iitegwa Nabwiinga wa Kristo, ula liswaanganya mwini kuli Leza mbuli obo, uciya kubumbuluka mu inyika, mu bulongo bwa ntimba ya cibi, kusikila uli swaangene a Leza munzila ili boobo, kusikila moyo wakwe uzwide bulemu a nguzu zya Leza, kusikila takonzyi kubona cintu cimbi cita Kristo. Mbo mbubo.

<sup>127</sup> Eco ncencico nco tuyu kucita. Ayo nge makanze alikke, bubambe bulikke Leza mbwa jisi, nku cita cintu mbuli ceeco. Toelete kunjizigwa munzila ya kulipangila. We elede kuzyalwa mukati, kutali kuzungaanisigwa mukati, na kuleta lugwalo ku mbungano. Pele ku zyalwa mu Mbungano ya Leza muumi, kwiinda ku kuzyalululwa, kwiinda ku nguzu zya bubuke bwa Jesu Kristo, eco cimubamba cilenge cipyu muli Nguwe. Ameni. Eco cila cilulamika. Eco cila cicita. Masimpe. Yaa.

<sup>128</sup> Ula pilingana. Ula talika kwaabana luyando lwakwe a bambi, zintu zyanyika, kusangabalisya kwanyika, kwiinka ku masena nkwa teelete kuya, kwaamba zintu nzya teelete kwaamba.

<sup>129</sup> Awa ciindi cimwi Nda . . . Ba kali kuba a balindu . . . musyobo umwi wa mbungano ya zikombelo zibuye zya mbungano. Nda kacitika kuba a cintucimwi cakucita mu kaanda ka ng'anda eyi. Elyo Nda mwaambila, Nda kamvwa zintu zimwi zibyaabi cindi Ne kali sizibi, pele, oyo muswaangano wa mwanakazi, Nseno mvwide kudana kubbi kumwi mu buumi bwangu boonse. Sa inga mwayeeyela, muntu oyo wiitwa kuti Munakristo, inga walekela kukunka kwa busofwi buli boobo kuzwa kuli mbabo?

<sup>130</sup> Yebo tokonzyi kujana maanzi mabotu alweela kuzwa ku mukalo omwe. Wa bikka bbakete mu cikala, nkabela lyazwa kali zwide zivunyungula, mbo tu baita. Cindi mwabikka bbakete ansi alubo, liyo leta cintu nciconya. I mukalo uyandikana kupoomoka, a kuzuzigwa maanzi mabotu.

<sup>131</sup> Eelyo nde penzi ku mbungano sunu, kuli koonse mu kwaamba, kuti iyandikana ku kucumbwa, kusinkwa a maanzi aa Leza aasalala kuzwa ku Julu. Moyo wakwe waba cibbotela ca cintu cili coonse eco ciboola antoomwe. Uli jisi basikuyanda iba misyobo yoonse. I Bbaibbele lyakati uyooba. "Basikuyanda misaalo kwiinda basikuyanda ba Leza, basikujaya zipangano, basikulengeleya twaambo, batakkutili, a basampaula abo ba luleme."

<sup>132</sup> Mwabona mwanakazi oyo uusola kupona kabotu, mwaalumi oyo uusola kupona kabotu, ulaba "mubumbulusi uusalala," waa ba "sikwiindilizya," na cintucimwi cimwi caciyanza cakale. Ngu sikuloboka. Wa sampaulwa a kukakwa ku bantu ba nyika eyi. Mbo mbubo.

<sup>133</sup> Pele sena mwakasola kuziba eco Mbungano ini nco yeelede kucita? Mu Cizuminano Cakale, cindi niba kajisi i—i cituuzyo, ba kajaya muyuni omwe, a kubikka bulowa bwa umwi ali umbi,

sinkwela ufwide; nkabela ulauluka atala lya nyika, kamwaya bulowa bwa sinkwela ufwide. Cindi Mbungano yaba Nabwiinga wini wa Jesu Kristo, Uyo bweza Bulowa bwa Jesu Kristo a Nguwe, kusansaila aansi, kwiita, “Uusalala, uusalala, uusalala, ku Mwami.” Bube bwakwe, walo kabeela kakwe koonse ka luyando Iwakwe Iwakali lwa Leza. Bupange bwakwe boonse buyooba bwa Leza. To konzyi kulangila cintu cimbi.

<sup>134</sup> Ako nke kaambo bantu neco baboola ku mbungano, abalo. Kutali kusobana njuka a kucita cisobano ca pokka, kuzyana mu kaanda kaansi, kuba a zilalilo zya misinza a zintu mbuli ezyo. Ezyo nzya nyika. Alimwi tatu kakonzyi kweelana a mbabo, a mause kuli ndiswe ku kucisola. Twe elede kukambauka Muuya Uusalala, mu nguzu, a bubuke bwa Kristo. Tu jisi cintucimwi ncoba tajisi. Atu kacipone, kutali kusola kuba kkopela. Kupone eco neco tuzi kuti cili luleme. Kupona muli Kristo. Jesu wakati, “Ikuti na Nda sumpulwa, Ndiyo kwela bantu boonse kuli Ndime. Muli munyo wa nyika. Pele munyo wasweekelwa bulweezi bwawo, mpawo tau gwasyi pele kusowegwa a ku lyataukwa kunsi lya matende aa bantu.” Bumboni bwesu!

<sup>135</sup> Ta cigambyi, neziba nkamu zyesu zya Pentekoste, mbuli Mbwe bijilwa nconzyo ku caamba, nkamu zyesu zya Pentekoste zili mukuwida moonya mu cintu eco nciconya, moonya mu bweende mbubonya. Elyo ta cigambyi bantu neco baamba kuti taba jisi eco neco baamba kuti bali jisi. Oyu mulimo wa Mbungano ya pentekoste weelete kujatana antoomwe a nguzu zya Leza Singuzuzyonse, kusikila mbubonya Buumi bwa Jesu Kristo inga bwa tondezegwa muli Mbubo.

<sup>136</sup> Pele tu yanda kukozyanya a inyika. “Tuyo cicita, nekuba.” Mwabona? “Tu yanda kuba a nzila yesu kujatikizya ncico.” Pele ta tweede kucicita. Cili lubide kucicita. I mambungano ali mbuli buyo mwanakazi, ya kapilingana.

<sup>137</sup> Cintu citaanzi mulizi, ulaba kabotu zyonse, ku matalikilo cindi Leza nakapa kuzyalwa ku Mbungano eyi ya pentekoste, kutandila myaka ili makumi one na makumi osanwe yakainda. Waa kapona cakusalala. Waa kali kusalala. I nguzu zya Leza zyakali a nguwe. Pele mbuli mbo tuzumanana, tu talika kuba mbuli inyika.

<sup>138</sup> I cintu citaanzi mulizi, twe elede kuba a buyake obo bupati maningi bweelede kumweka kwiinda yaba Methodisti okuya ku kkona limbi. Twe elede kuba a cintucimwi cipati loko, cintu cipati maningi, a cintu cipati maningi, a cintu cipati maningi. Alo mause. Bunji bwesu tulali tukumuna tobeni cindi twa sika... I mukwesu wa Pentekoste wabona muntuumwi kunselelo, missioni niini, na mbungano niini, nkabela baunka ku mbungano mpati. “Tu zulilwa ku mbungano ntaanzi, na mbungano mpati,” na cintucimwi mbuli ceeco; amulange ali mbabo.

<sup>139</sup> Eco ncobulide Muuya Uusalala, ku kusungilizya aniini, mbo mbubo, kumu zibya kuti lubbizyo lwini lwa Muuya Uusalala uyo citya nsuuti ya tukisido ku gwambatila wa ovolosi a kuti, “mukwesu.” Mbombubo. Lufutuko lwini lwa ciindi cakale, nguzu zya Leza Singuzuyonse, iyi, munene, kuyo citya dressi lyakaindi lya silukki ku gwambatila lya kkalikko, a kuti, “Mucizi, Ndila kuyanda.” Masimpe liyo cita.

<sup>140</sup> Pele tu talika kweenda a inyika, kuleya a kupilauka kwa maanzi mu lwizi. Mbungano yesu ili jisi. Ta tweede kwaambaula limbi makani aba Methodisti aba Baptisti. Ndu lwesu. Cili mu zyuuno zyesu zini. Ako nke kaambo Muuya Uusalala ncou takonzyi kweenda. Ako nkekaambo Nce wamba kuti Leza takonzyi kubikka kuzumizya Kwakwe aa kabunga kali koonse sunumasiku. Nkaambo, Bamasi tiiba kagwisigwa mbuli cisi. Ba kali bantu kuzwa kuli Bamasi, nkambo ka Zina Lyakwe. Leza uyo bweza bagame.

<sup>141</sup> Lino, Ndi yeeya kuti tubunga twesu tu cita mulimo mubotu. Eco cili kabotu. Pele to konzyi kuyaamina ali ceeco, kwaamba, “Ndili wa pentekoste, nkaambo Ndi zulilwa ku kabunga ka Pentekoste.” Uli wa pentekoste cindi wajana luzibo lwa pentekoste. Ta ndikwe makani na uzulilwa ku mbungano ya Katolika, uli wa pentekoste. To konzyi kubunganya Pentekoste. Pentekoste nduzibo, kutali kabunga. Elyo mbo mbubo.

<sup>142</sup> Pele swebo to bantu ba Pentekoste twa talika kuyeeya, nkaambo tu jisi zina lya Pentekoste, inga twa zumanana a kupona mu inyika, kucita kufumbwa nco tu yanda. Tuli mbuli kutanta ngazi ya Nimurodi; iyooinka ku itwe. Mbuli civumbyo camatu ica Adamu; uya kujoka. Mbuli muncali wa Siegfried mu France, muncali wa Maginot mu Germany; wa kapwaika.

<sup>143</sup> Nkaambo, kwiina ngazi imbi, kwiina imbi iimvwi. “Pele Zina lya Mwami ni ngazi njumu omo balulami moba njila nkabela bali kwabilidwe.” Cindi wazuzila muli Njilyo, ula bweza Zina, Zina; kutali kwiita buyo Zina, pele Zina a muntu obo mbobede, kuba mbuli Kristo mu buumi. Ameni. Mubotu Mbwa bede. Iiyi.

<sup>144</sup> Mbungano yacita mbubonya, kucita bwaamu bwa kumuuya, mbuli mwanakazi oyo uunga wakwaabana luyandisyo lwakwe kuzwa ku mulumi wakwe kuya ku mwaalumi umbi. Oyo mwanakazi taeleli kupona awe. Nywebo mulizi eco. Elyo cindi mbungano yatalika kwaabana a luswaanano lwayo a inyika, Leza ngu Leza sibuzuba. Wa katanda Israyeli nkaambo ka ceeco, alimwi Mwana Wakwe uyo gusya cintu nciconya.

<sup>145</sup> Uyo oba a Nabwiinga oyo uta jisi kusutana muli Nguwe. Ameni. Wa kasanzigwa cakumaninina kwiinda ku Bulowa Bwakwe mwini. Mbo mbubo. Aboobo tula bona awo mpo twiimvwi, mucado ulibambilka kuboola.

<sup>146</sup> Lino, tu jana kuti ucita bwaamu bwa kumuuya, kweenda a inyika, kulibanda cintucimwi, kupona cintucimwi ciindene. Eco ta cikabeleki. Eco mbungano nco yeelede kucita, nku cita mbuli Esita mbwa kacita. Esita waakaka kusakatizya kwa inyika.

<sup>147</sup> Tu lilizi eelyo bbuku liniini lya Esita, obo Modikai mbwa... Siminzyaakwe waka jisi mwana musimbi. Alimwi wakali kumusanza kuciindi ca bulelo bwabana Medisi abana Persia. Ncimvule cibotu kapati alya. I mwaami, umwi wa bami bapati maningi mu nyika buzuba obo, wa kajisi pobwe pati. Elyo wa kaita namalelo kuboola kukkala munsi lyakwe, pele ta kacicita. Waa kakaka kucicita. Abooobo ino wakacita nzi? Wa kaubausigwa loko, taakazi aca kucita, cakuti mukaintu wakwe wini taka boola.

<sup>148</sup> Ndi yeeya kuti nkukoонse mbuli Kristo sunu. Kristo waka tutamba kukkala mu masena Aakujuju a Nguwe, nkabela twa usa nsoni kuli ncico. Bantu banji ba fwabweeme kwaamba kuti bajisi lubapatizyo lwa Muuya Ūusalala. Bantu ba Pentekoste, mbo mbubo, bala fwabweeme ku caamba. Tula fwabweeme kuli Nguwe.

<sup>149</sup> Elyo aboobo namalelo taka boola. Waa kakaka kuboola. Ca kamuma. Busyu bwakwe bwakapa kusubila. Bantubonse bakabonesya.

<sup>150</sup> Nda libuzya ikuti na busyu bwa Jesu tabu busubila aniini, abwalo, cindi Na twiita nkambo ka mulimo, kwiita mu nkamu ya Pentekoste ku luswaanano a bunyina, alimwi twa kabunganya cakujata kapati mu tukamu kusikila ta tuka sangani abambi. Twa indila, kuba basinyika loko a zintu mbuli ezyo, tuli mukufwa bweeme ku zina lya Pentekoste. Bantu bamwi bala yoowa kwaamba. Kwaamba, “Ee, Ndi—Ndi zulilwa ku... Ndili Munakristo, pele...” Ndili kkomene kuti Ndi jisi Iuzibo lwa pentekoste. Ameni. Ndili kkomene kuyumuna Zina lya Jesu Kristo. Ncoolwe cipati maningi Nce kasola kuba aco, kwaamba kuti Ndili cibeela Cakwe.

<sup>151</sup> Lino tu jana kuti, mpawo, wa kajana bakubuzya, bwa kubuzya eco ncaeledge kucita. Elyo ba kati, “Ikuti na eci cila zumanana mbuli boobu, boonse bamwi banakazi mu cisi coonse bayo bweza mukozyanyo wa mulindu mutaanzi.”

<sup>152</sup> Mubwini, nce ncico cicitika sunumasiku. Nda langa bamwi banakazi aba. Nda syoma Nse cisi kulimvwa kwanu, elyo nekubaboobo Nda cita, Nda syoma Nda cita. Uh huh. Yaa. Kusola kuba eci awa cintu citaanzi-ca mulindu, a bubambe bwamasusu mu nkata mpati. Nseno bwene cintu cili boobo mu buumi bwangu boonse.

<sup>153</sup> I buzuba bumwi kwakali mwanakazi waka boola mu cintoolo omo Mwe kali kulindila mukaintu wangu, alimwi oyo mutwe wa mwanakazi wakali mupati *obo*, alimwi waka bikkide penti wa girini kunsi lya meso akwe. Nda kati, “Kojoka,

ocimpuku. Kuyo lulama." Kwakali kuboneka kubyabi maningi. Inga kwa kukonga. Ino ncinzi? I mulindu mutaanzi. Walo mulindu mutaanzi. Nce ncico. Elyo bala bweza mukozyanyo kwiinda kuli ceeco.

<sup>154</sup> Elyo anda ambe ceeci lino. Nse ka caamba mukudana, pele mu cikozyano, kuti moyo bona. Mbo mbubo ncobeni mbo mucita no Banakristo bakaindi ku bakubusyi aba. Mbombubo ncobeni. Mweelede kuba mikozyanyo. Nywebo noba Pentekoste abo bataminina kuba a Muuya Uusalala, mweelede kuba mukozyanyo waba Methodisti, a ba Baptisti, ba Presbyteria. Kutali mbuli mulindu mutaanzi, pele mbuli Jesu mbo mweelede kuba. Ula mwaambila *omu* eco cakucita, nzila yakucicita. Twe elede kutobel a malailile Akwe a mikozyanyo. Pele eyo nje nzila mbo tu cijana. Esita . . .

<sup>155</sup> Oyu namalelo, ta ka ciswiilila. Ta kaboola; waka mubausya. Kati, "Ikuti—ikuti na oyu mulindu mutaanzi wa cisi wabikka mukozyanyo mbuli oyo, boonse bamwi banakazi bayo cicita. Aboobo mpawo cindi mwaalumi aita mukaintu wakwe, uyo amba kuti, 'Koya ukasotokele mu mulonga.'" Mwabona? Mulombe, wa kaamba ncobeni America, sa ta kacita? Lino, tu jana kuti, mu kucita boobo, mpawo kwakali muntu waka jisi busongo bumwi kujatikizya nguwe, wakayutuka a kulaya i mwaami. Wa kati, "I cintu cakucita nku mutanda. Elyo kutumina kwiinda mu cisi, akwiita mukati banakalindu boonse bakaliko, banakalindu baniini, elyo awo kolisalila mukaintu wako."

<sup>156</sup> Ca kabetela mwaami. Aboobo wa katumina, alimwi wa katumina basikukutaukila mwami, a bamwi bambi, ba kaunka ku—ku kubweza boonse banakalindu baniini abo bakali kukonzya, banakazi babotu mu mami onse a maprovinci ayo nga kali kulanga, oyo wakali mupati maningi mu inyika.

<sup>157</sup> Elyo cindi na kacita, caka boola ku musimbi oyu muniini mu Juda. Waa kali mubwini musyobo wa musowe, nkaambo, mbuli Bamasi, nywebo mwabona, waa kali musowe ku lubazu lumwi. Elyo ta kajsi bawisi a banyina. Alimwi Modikai, aisha wakwe wa kali kumukomezya. Alimwi wa kacita kuunka, kuzwidilila.

<sup>158</sup> Elyo aboobo neo bakacita, bakacita kunjizya basimbi aba mu kusalazigwa kwa myeezi minji. Ba kacita ku banyonganya a kucita misyobo yoonse ya kulisakatizya, a kubabamba boonse, kutegwa inga baunka kumbele lya mwaami.

<sup>159</sup> Lino, eyo itandila buyo kuba nzila inyika mboiyanda kubamba mbungano sunu. Kacisakatizya a inyika; kulikozyanisy a zintu zya inyika; kusola kuleta mamembala manji, kunjizya cintu cili coonse mu luswaanano lwabo. Ma! Ncintu cuusisya nsoni. kabunga komwe kasola kuzunda kamwi akambi, kunjizya cili conse kuba cizo. Inga mwa batola mu kabunga aka, pele taba kanjili mu luswaanano lwa Kristo

kusikila ba salazigwa a kuzyalululwa ku Muuya wa Leza. Obo mbwini. Inga kabano jisi mazina abo mu bbuku ansi awa, pele kutali kutala Okuya, aa Bbuku lya Buumi ilya Mwanaambelele, mane lya kalembwa a Bulowa bwa Mwami Jesu.

<sup>160</sup> Boonse banakazi, bakali bamba beni, kuti baboneke kabotu. Elyo, oh, Ndi yeeyela kuti bali jisi ncobeni bamwi baboneka ali mbabo, ndiza mulindu mutaanzi a bamwi bambi. Ba kalibambilila beni koonse nkaambo bakali kuyo libonya kumbele lya mwaami.

<sup>161</sup> Ndi yeeya kuti nkukoonse kujatikizya makani a mambungano esu oonse sunu. Ba sola kulibamba beni, canyika, kuba kusangabala kwanyika, zintu zyanyika muli njijo, kucita zintu zya inyika, kubeleka mu inyika, kabayeeya kuti inga baswaangana Mwaami. Leza takwe makani kujatikizya eco. Ula sulaika eco. Pele tu yanda kulilemeka mbuli nyika.

<sup>162</sup> Amwi mambungano esu, Nda kati, kulosya micinjili, kunjizya madaikona, abamwi bambi, mu mbungano, alimwi ziindizimwi beembeli, abo baka kwata ziindi zyone na zyosanwe, a—a bamwi babo bafweba misanga yatombwe. Kwaamba, “Bayo—bayo cizwidilizya. Bayo oba kabotu.” Gwisya muntu mu mabbiyaholo busiku bumwi, a kumubikka mu cikambaukilo busiku butobelwa. Nse syomi mu zintu zili boobo. Nda syoma muntu weelede kutondezegwa, mbo mbubo, kutondezegwa. Nda mwaambila, ziindi zinji tula ita . . .

<sup>163</sup> Nda syoma mu lubapatizyo lwa Muuya Uusalala. Nda syoma mu kwaambaula mu myaambo, pele Ndi yeeya kuti twa bikka kwaambilisisa loko ali ceeco. Ii muntu inga waambaula mu myaambo, a mwanakazi kwaambaula mu myaambo, elyo ikuti na buumi bwakwe a buumi bwakwe ta bweendelani a myaambo njo kananamo, nkokuti luli mwaambo ulubide, nkaambo Muuya Uusalala uyo mubamba kulilemeka mbuli Bbaibble. Liyo kuleta ku buzule bwa ciimo ca Kristo.

<sup>164</sup> Wa bweza muntu oyo ukanagan a myaambo, bukali bunji bwa kulgana saha livuma, a kwaambaula kujatikizya basimukobo, a zintu zyoonse mbuli eco. Baa, yebo wiita eco kuti Muuya Uusalala? Ta ukonzyi kuba. Peepe, munene.

<sup>165</sup> I Muuya Uusalala ndu bombo, lutangalo, luumuno, busicamba, bubotu, buuya, lukakatilo, lusyomo. I Muuya Uusalala, eyo micelo ya Muuya, oyo Muuya Uusalala ulapa mu Mbungano ya Leza muumi, bubotu, a kubomba, bubombe, luyando umwi aumwi, kukkazikamoyo.

<sup>166</sup> Ikuti na mukwesu walubizya, uta muuma buyo na cintucimwi cimbi. Ko mutobelwa a kubona ikuti na inga wa mujosya. Uta lindili mukambausi kucicita. Ko cicita, muntuumwi umbi. Mukambausi takonzyi kucicita coonse, naanka bamadaikona taba konzyi. Bantu boonse, ngu cizo ca Mubili oyu wa Kristo, beelete kutobelana umwi aumwi. Tu jisi . . . Elyo ikuti na tu jisi Muuya wa Kristo muli ndiswe . . . Wa

kayiisya cikozyano cipati. Ba kasiya zili makumi ali fuka afuka, a kweenda kutobela oyo umwi. Obo mbo tweeede kucita. Pele tu laamba, "Oh, baleke baunke." Ta tweeede kucita eco. Twe elede kuba sibuya, kujatila, kukkazikacamba. Oyo mucelo wa Muuya.

<sup>167</sup> Lino, tula lijana tobeni mpawo, kuti Esita, naa kamana... Ba kamubikka muli bumwi bwa masena aya, kulibamba kabotu koonse, kumubamba kutondezya kumbele lya mwaami. Ma! Waa kacikaka. Ta kali kuciyanda. Waa kali kuyanda kuunka mbuli mbwa kabede. Ameni.

<sup>168</sup> Tu jisi sunu mambungano ayo ayanda kulilemeka mbuli inyika, na nkaambo tu jisi bupati. Leza wakati, "Ciindi cimwi wa kali muniini, baka Mu belekela. Pele cindi naka komena, mpawo baka Mu luba." Mbo mbubo.

<sup>169</sup> Cindi nitwa kajisi mpani ansi awa mukazila amwi, a nsaka, kwiilizya kusule lya maanza esu; a gitaili lyakaindi, ku lilizya; a kuba a muswaangano wamu tugwagwa, mwakali babombe. Pele cindi twa sika kuba a mayake amadollar ali mamillioni otatwe na one, a zintu zipati mbuli ezyo, mpawo twa kaba batukomokomo loko cakuti twa kaluba kujatikizya ceeco, mbo mbubo, kulondolwa ku inyika.

<sup>170</sup> Nda kali mu busena buzuba bumwi oko, mukwesu wabusalali, kwakali nkamu ya bantu yakali kumu belekela. Alimwi na mwanakazi onse waboola okuya ku ciindi ca kkofi, kuzooba akulibotezya kwa kunywa kkofi, mwanakazi onse mukati myua kajisi masusu mafwaafwi a kunana misila ku milomo. Lino, yebo watii, "Mukwesu Branham, to jisi mulimo wa kwaamba ceeco." Ndi jisi. I Bbaibbele lyaamba boobo. Mbo mbubo.

<sup>171</sup> Bunji bwa banakazi bana Pentekoste basama zisani zya baalumi, elyo Leza wakati ncisesemyo ku meso Aakwe. Mbo mbubo. Mbobuti mbo langila kuunka ku Julu mbuli boobo? Ci tondezya kuti Muuya Uusalala tauli mukati myua. Ikuti na Muuya Uusalala wakali mukati myua, inga Wa kupa mulandu. Ncibotu. Oh, inga woongolola, kukanana mu myaambo, kweenda koonse akoonse, kuzyana mu muuya. Nda kabona muna Hindusi kacita obo, a bama India, a zintu zyoonse zimbi. Eco ta caambi cintu, cita kuti kuli buumi bwa kutondezya eco neco ambaula, nguzu zya Muuya Uusalala, kubamba bantu bapona cabunaleza. Oyo ngu Nabwiinga wa Kristo.

<sup>172</sup> Esita wakeelede kuba nabwiinga, aboobo ta kali kuyanda kuli sakatizya kwa inyika. Waa kali kuyanda kunjila, ku mwaami, mbuli buyo mbwa kabede. Waa kalisakatizya lwabo mbuli banakazi ba pentekoste mbo beeleda, a muuya mubombe walubombo. Alimwi cindi zyonse ezyi zidula, balindu bataanzi balainda munsi, a zintu zyabo zipy a zyanyimbo zya fandango, mwaami waka balanga, a kubabikka mu kaanda antomwe

azimambe. Pele cindi oyu Esita naka bonekela kuli nguwe, elyo wa kaja kubona kuniini kwa muuya oyo, mubotu, mubombe, awa lubombo, wa kati, “Ngo nguwe. Koya uka jane musyini waku samika mutwe wakwe.” Nce ncico.

<sup>173</sup> Abali sakatizye lwabo a musyobo oyo wa muuya, kutali buyo banakazi, pele baalumi, abalo, balisakatizya lwabo a musyobo oyo wa muuya. Mpawo uli libambilide ku i—i Nabwiinga, mubotu, wabulemu. Esita wa kasalazya moyo wakwe.

<sup>174</sup> K uli zinji loko nzotu konzya kubamba, zyaanze awa, oh, yeelede kuba a kusutana kunji loko, a kunji boobu kwa *ceeci*, ku—ku kwinka kujatikizya ncico.

<sup>175</sup> Awa ciindi cimwi cainda, Nda kaliimvwi mu i—i mu miziamu kunselelo mu Tennessee. Nda kainda munsi ly a busena buniini, nkabela caka tondezya kulangalanga kwa mubili wabuntunsi. Kwa kaambwa kuti muntu wakalema mapaundi ali mwaanda amakumi osanwe, mu makkemikko wakali kuulwa maseenti ali eite foo. Lino, uli muntuumwi, embo na, maseenti ali makumi ali lusele aone? Elyo banakazi bamwi bayo, banakazi ba Pentekoste, uyo sama bbaki ly a boy a lyuulwa madollar ali makumi osanwe aku nongomeka mitwe yabo, ikuti na mvula yakawa, inga yaba tetya, alimwi akwalo taba jisi maseenti aakkwana maseenti ali makumi ali lusele aone, mbo mbubo, mu misamu. Obo mbwini, kutali kudana. Obo mbwini. Maseenti ali makumi ali lusele aone, kutandila kupoomoka kunji kwa kusansaila citeente ca nkukunseke, a kkaushiamu muniini azimwi zimbi. Maseenti ali makumi ali lusele aone, mula langilila eco kabotu loko.

<sup>176</sup> Wa inka ku restauranti a kujana . . . kuula cibboo ca musinza nkabela wajana siluubilila muli nguwe, inga watola restauranti ku mulao.

<sup>177</sup> Pele uyo lekela dyabulosi kubikka matelevizhioni ayo akaindi atombe a zintu zya njuka kusika mu nsingo yako, aku cizumina; ku kubamba kusama zisani zyakaindi zita salali, aba banakazi, aya madressi maniini akaindi ajata mbuli soseji, a kweenda awa mu kagwagwa mbuli boobo. Elyo sena ulizi, mucizi wangu, Ta ndaambi kudana oko. Kondi bamba kulubila.

<sup>178</sup> Amuswiilile. Nda amba eci. Muli lemeka mbuli obo, alimwi ku Buzuba bwa Lubeta moyo balwa mbuli simamambi. Mbubo. Jesu wakati, “Kufumbwa muntu uulanga mwanakazi caku musukama wacita kale bumambi a nguwe mu moyo wakwe.” Elyo cindi sizibi oyo naelede kupeda bwinguzi ku kucita mamambi, ino nguni? Nduwe. Nguni waka cicitya? Yebo. Mbo mbubo. Ikuti na wali bikka lwako alya, kulanga kumbele ly a bantu, kuba mbuli inyika a kusama mbuli inyika.

<sup>179</sup> Nda kaamba eco ciindi cimwi, a mwanakazi, Louisville, Kentucky, waa kati, “Ee, muswiilila awa, Ba. Branham. Njo mupa kumvwisywa ndyoonya lino!”

Nda kati, “Iiyi, baama?”

Waa kati, “Eyo nje misyobo biyo ya madressi ngo bapanga.”

Nda kati, “Bala panga mincina ya kusumya a kusambala zintu.”

<sup>180</sup> Nku kaambo kakuti uyanda. Kuli cintucimwi cilubide muli nduwe. Obo mbombubo ncobeni. To ciciti nkaambo kakuti ni fashioni. To ciciti kutali kuti nkaambo weelede kucita. Ula cicita nkaambo ula yanda.

<sup>181</sup> Ula fweba nkaambo ula yanda. To elede kucita. Ndi yeeya kuti cintu ca bufuba kapati Nce kasola kubona cakali mwanakazi wakali kunjila mu kagwagwa, mbuli mbo mubona umwi aumwi, mootokala, a misanga yatombwe akati ka tunwe twabo. Baa, alo mause. Obo mbweende bupati maningi bwa basimubweza twaambo mbo tujisi mu cisi, cindi madokotela a sayansi ya masilike baamba kuti izwide kkulenge a zintu zyoonse zimbi. Elyo bala nyonka nkoonya kunselelo lyabo, ciindi coonse.

<sup>182</sup> Wabona mwanakazi, weelede kuba Munakristo, kalyoolola a nkomwe, akusanga kusangene, kasamide nsuuti yakusambya, kalyoolola okuya. Ndi jisi basimbi bobilo. Ta ndaambi kuti taba kacici. Baamba kuti bayá bucinca lukanda kusalaluka nkambo ka zuba lipya. Bayo jana kucicwa kwa lukanda lwa lwaba na ikuti na Ndi cino pona. Uyooba mwana wa *oyu*. Mwabona? Ci yooba mwana wa Ba. Branham, a bbloodi litandila kulampa *obo*. Nda syoma cili lubide.

<sup>183</sup> Mpawo tula liita lwesu kuti, “Oh, tuli cizo ca mbungano ya Pentekoste.” Oh, mause kuli ndinywe! Mbubo. I mbungano ya Pentekoste iyandikana kusalazya, lweendo loonse kuzwa kunembo kuya kusule, a kwiinda mu kayobwedo kali kunsi a kaanda kaansi, a cibuye caatala. Mbo mbubo. Elyo nekubaboo, muli coonse ca ncico, ncibotu maningi nco tujisi. Pele inga ca . . .

<sup>184</sup> Mbuli buyo mu lucinco lupati alimwi kuciindi ca Joan wa Arc, France wakali kuyandikana lucinco lupati, mpawo bayandika lucinco lupati luzundikizya ku koolola zintu zimwi nze bakali kupapila.

<sup>185</sup> Elyo mbungano ya Pentekoste iyandikana lucinco lupati. Yaa. Lulacita ncobeni. Kupapila kupati kulgana zintu ezyo zilubide, a kutambula zintu ezyo ziluleme, ameni, lubbizyo lupya lwa Muuya Uusalala: “Ii Mbungano kulibambilila Lwayo!”

<sup>186</sup> Amuyeeye, ta cikabi . . . To konzyi kwaamba kuti, “Ee, lino, Ndi zulilwa kuli *eyi*, Assemblisi. Ndi zulilwa ku Foosikkweya, na Mbungano ya Leza, na Zina lya Jesu,” na—na kufumbwa umwi wabo. Nee! To konzyi kunjila muli cimwi cazyo.

<sup>187</sup> Leza ula kwiita mbuli mugame. Elyo ndinywe nomweelede kusalazya, nkaambo, “Uli mukugwisya bantu kuzwa kuli

Bamasi, nkambo ka Zina Lyakwe, Nabwiinga Wakwe, Munamasi.”

<sup>188</sup> Esita wakali salazya lwakwe. Waa kasalazya moyo wakwe. Nce ncico nca kasalazya. Nce ncico mbungano ncoi yandikana: kusalazya myoyo.

“Mbobuti mbo salazya moyo wako, Mukwesu Branham?”

<sup>189</sup> “Kusanzigwa kwiinda ku maanzi aa Ijwi,’ kwiinda mu Bulowa bwa Jesu Kristo.”

<sup>190</sup> I Bbaibbele lyakati cililubide ku banakazi kulilemeka booboo, a ku baalumi kubalakela kucicita. Ndinywe nyoonse. Ii mwaalumi uyo lekela mwanakazi wakwe kuunka mu kagwagwa kajisi cinswe, kasamide zisani mbuli booboo, Ndi jisi bulemu buniini kuli nguwe akwalo kuba muntu. Ngu sikunyonaunwa. Mbo mbubo. Ula mubelesya mbuli nsingo. Mause kuli nduwe. We elede kuba baalumi.

<sup>191</sup> Elyo mweembeli uyo lekela mbungano yakwe kucita a zintu zili booboo, kakutakwe kutila itwe kuzwa kuli ncico kuzwa ku cikambaukilo. Ngu sibwanakazi ukompene. Cintu nco tuyandikana mbaalumi, Makanimabotu, kutali a maguloovu amipila pe, pele a nguzu a kutondezegwa kwa Muuya Uusalala, a Ijwi. I Bbaibbele lyaamba kuti zintu ezi zili lubide. Cili lubide ku bantu kucita nzila eyo, kulilemeka nzila eyo. Ceelede ku kambaukwa, a kuponwa, a koonse. Na, mbungano iyandikana kusalazya, kulondola.

<sup>192</sup> Esita wakalondola moyo wakwe kumbele lya Leza, wakeenda kumbele a muuya wa lubombo a mubombe; i Mbungano eyo iyooba Nabwiinga wa Kristo. Lino, amuyeyeye, Esita waakaka kusakatizingwa canyika. Waa kabweza Muuya mu moyo wakwe, kwiinka kumbele lya mwaami.

<sup>193</sup> Elyo mwanakazi sunu, mbungano eyo iiyeeya kuti iyo njila nkaambo ijisi myeelwe minji, walo ni nkamu isama kabotu maningi, uli jisi kabunga kapati maningi, mbungano mpati maningi mu dolopo, a zintu mbuli zeezyo, muyo ciimpya kwa mamaile ali milioni ikuti na uyaamina kuli ceeco.

<sup>194</sup> Walo muuya, mubotu sibuuya, wabulemu ku Ijwi lya Leza, “kusanzigwa kwiinda ku maanzi aa Ijwi,” alimwi Ijwi muli nduwe. Nku sanzigwa. Ameni. I mbungano iyandikana kusanzigwa, kusanzigwa kwa Makanimabotu azwide. Mbo mbubo. Kutali kusanzya cibeela, pele Makanimabotu azwide, kasalazya, “kapangwa zilenge zipya muli Kristo Jesu.”

<sup>195</sup> Nabwiinga wa Jesu tali nabwiinga watombe. Inga ta lekela Nabwiinga Wakwe, atombe.

<sup>196</sup> Ikuti na mwanakazi waboola kuyo kwatana, elyo waa kaboneka mbuli kuti wakazwa mu caanda ca ngulube okuya; mwaalumi oyo ujisi bulemu bumwi kujatikizya nguwe, inga tamukwata. Inga wamu bamba kulisalazya mwini.

<sup>197</sup> Elyo cindi mbungano ya Kristo yaboola kutala kuyo kwatana, amuyeeye uyo njila muli Nabwiinga, a inyika yoonse kaiduntaanina muli nguwe, Nabwiinga wa Kristo takabi mbuli boobo. Peepe, munene.

Nde elede kubinda.

<sup>198</sup> Taili Mbungano ya Kristo, ya Mwami Jesu Kristo, eyo Mbungano taili Mbungano igalankene, akwalo, a tuzapuzapu twa tubungwe. Ta elede kuba cizo ca kabungwe kamwi kapati. We elede kusanzigwa ku Bulowa, Bulowa bwakaulwa. Kutali kwaamba kuti tuzulilwa ku mbungano mpati maningi, kabunga kapati kwiinda, na *eci*, *eco*, na *cimbi*. We elede kunjoloma, kusalazigwa, kusalala, katakwe kabala na kaimba, ku Bulowa bwa Mufutuli wakwe—wakwe, Jesu Kristo.

<sup>199</sup> Mbuli Esita, Muntu uusisidwe mu moyo, Muntu uusisidwe, i lubombo a buuya bwa Muuya wa Leza, mu moyo wa muntu; kutali bulemu a bube bukweleleyza bwa nyika.

<sup>200</sup> Nda kaamba lyoonse kuti nyika ilamweka; Makanimabotu alamweka. Oh, ngu mamaile aali milioni. Hollywood ilabalama; Mbungano ya Kristo imweka abweebesi, a ibombede, a mbotu, yabuuya. Mbo mbubo.

<sup>201</sup> E sita takali kuyanda kuli sakatizya a masani abusyaasunu aa inyika. Oyo nataka boneka mbuli mukaintu wa mwaami.

<sup>202</sup> Elyo sa swebo, tu yanda kuba mbuli nyika, alimwi sa inga eco cilibonya mbuli Mukaintu wa Muntu Uusalala? Swebo, mbuli Mbungano ya Leza muumi, tula lisakatizya a zintu zya inyika, elyo mpawo kuboneka mbuli Mukaintu wa Mwaalumi Uusalala? Sa eco inga caboneka cakunyama?

<sup>203</sup> Ikuti na wabona mwaalumi sunu, oyo weeledé kuba mwaalumi uusalala; mpaawa waboola mukaintu wakwe kunselelo, mbuli mulindu mutaanzi, imwi ya masusu ayo mapati mbuli *boobu*; a zintu zisubila ku lubazu lumwi, a zintu zya girini ku lubazu lumbi, a—a kulibonya mbuli kuti waa kaumwa ku mulomo a bbulasho ya penti; a misyobo eyi yoonse ya zintu mbuli ezyo, keenda kuselemuka kagwagwa, mu zisanijata aniini mbuli boobo; a tusindi kulampa kutandila boobu, kusyansyaila ambali, kulibbwayaula mu kagwagwa; a kuti, “oyo mukaintu wa muntu uusalala”? Ta ndaambi kudana. Ndi panga buyo zya bupanduluzi.

<sup>204</sup> Nda boola kuli umwi wa nkamu yesu mpati ya Pentekoste, okuno kutali ciindi cilamfu cainda. Nda kajisi tente lya kayakwa. Elyo mweembeli wakati kuli ndime, kati, “Mukaintu wangu ngu sikulizya organi.”

Nda kati, “Eco ncibotu, mukwesu.”

“Sena ula mukasya kusobana?”

Nda kati, “Peepe. Peepe, munene. Nse citi ncobeni.”

<sup>205</sup> Elyo wa kaunka ku mweendelezi. Mweendelezi wakati, Mukwesu Baxter, wakati, “Eco cili kabotu.”

<sup>206</sup> Wa kati, “Mukwesu Branham, boola okuno. Ndi yanda kuti uswaane mukaintu wangu.” Elyo Nda kaunka okuya.

<sup>207</sup> Akaka mundi jatile. Mwabona? Nse soli, ku tubamba ii—ii bukanazi. Ndi sola kubamba kaambo. Mwabona?

<sup>208</sup> Alimwi mwanakazi waka jisi imwi eyi yakulipenta awa. Ta ndizi. Ezyo zintu, nywebo mulizi, zyoonse zyabambwa, alimwi Nse na bwene zili boobo mu buumi bwangu; a dressi lyakali kuselela ansi *awa*, taakwe sule muli ndilyo, alimwi kakwiina tako limwi kuli ndilyo. Elyo Nse—Nse na bwene kulibonya kuli boobo mu buumi bwangu. Elyo waa kajisi macoco mapati nconzyo kalengelela mbuli *obu*, alimwi kananide zintu zyonse.

<sup>209</sup> Elyo Nda kalanga koonse. Nda kayeeya, “Oh, mebo!” Ndili muna Baptisti, alimwi Ndi lizyi kabotu kwiinda eco. Nda kalanga alimwi. Nda kaamba . . .

<sup>210</sup> Lino, akaka, oku takuli kudana. Pele Nda kacita ku caamba ku mukwesu, elyo Nda syoma caka mugwasya. Kutali ku caamba kuba wiimpene; ikuti na Nda kacita, Nda kali sikuupaupa, mwabona, kali kuyandikana kusalazigwa, lwangu.

Nda kati, “Badaala, sena waamba kuti mukaintu wako wakali musalali?”

Kati, “Oh, iifyi.”

<sup>211</sup> Nda kati, “Uli bonya mbuli kuti teensi, kuli ndime.” Nda kati, “Nse—Nse na bwene kubonekela kuli boobo mu buumi bwangu, mbuli mukaintu wa mukutausi. Eco ta ciboneki mbuli mukaintu wa mwaalumi uusalala.”

<sup>212</sup> Ayalo mbungano ya Leza muumi taiciti, kuyaamina ku mafashioni, maparti akwe amatii, amarpatti abumpelenge, misaobano ya makkadi, a zizyano, a kunjilana, kali sakatizya lwakwe mbuli boobo, a inyika, boneka mbuli Nabwiinga wa Leza Uusalala. Kakuli ulafweba misanga yatombwe, a zizyano, a mapobwe, a zilalilo zya misinza, a kunywa zikola, a zyoonse mbuli ezyo, a kwaamba kuti mba Nabwiinga wa Kristo? Ta boneki mbuli Mukaintu wa Muntu Uusalala, kuli ndime. Peepe, munene. Inga tasala cintu cili boobo. Inga wa jana mwanakazi oyo waka luleme, kaboneka mbuli eco Nca kali kusola kwiiminina. Nda syoma obo mbwini. Eco inga canyonganya aniini.

<sup>213</sup> Baama bangu bakaindi baku musanza bali nyonyookede. Cindi Ne kali mulombe muniini, twa kali kunga twa . . . Nse kajisi cintu ca kulya, pee, alimwi twa kajisi bunyangu buboneka mbuli meso asiya a cinkwa camapopwe. Nse zyi naa muzi mbo zibede nape. Aboobo tii twa kajisi . . . Taa kajisi mafuta mu mwaka, alimwi twa kali kutandila kubweza mpani mpatti yakaindi mbuli *eyo*, a kubikka zikutu zyanyama muli njyo. Twa

kali kusika oko nkobakali kutenda, na basikutenda inga batenda nyama aku tupa zikutu. Twa kali kuzibamba, kuti kujanwe mafuta, akutila ali ncico alya.

<sup>214</sup> Masiku oonse mu Mujibelo, baama bakati twa kali kuyandika mafuta aa kkasita. Elyo Nse—Nse konzyi buyo kuzunda zintu akwalo. Elyo Nda kali kunga ndacibweza. Nda kali kunga ndasika kuli nguwe, kajatilide mpemo yangu mbuli *boobu*. Nda kali kunga ndati, “Baama, Nse—Nse konzyi buya kwiitola.” Nda kati, “Cindi kuciswa loko.”

Waa kati, “Ikuti na taciku bambi kuciswa, ta cikugwasyi pe.”

<sup>215</sup> Aboobo Ndi yeeya kuti eyo nje nzila a kukambauka Makani mabotu. Ikuti na Nse mibusyi aniini, mu jana... limvwa kulya kabotu kwanu kwa kumuuya kutalika kabotu, ku kubamba kuciswa aniini, kulilingula omwini a Bbaibbele: amubone ikuti na bukali obo bwa kaindi, a kulyanda, kutalemekaleza, luyandisyo lwa nyika, cipekupeku, a zintu masiku; a kusiya mbungano itakwe bantu, azyuuno zitakwe bantu kazi bikkidwe. Cindi, weelede kuti koli kubusena kuya mbuli Jesu, uli jisi Muuya Wakwe muli nduwe, kusola kubamba bantu boonse mu cisi kuboola ku mbungano yanu, ku tambula Kristo. Elyo tula liita lwesu mpawo kuti Nabwiinga wa Kristo? Oh, ino cuusisa nsoni, mweenzuma!

<sup>216</sup> I oora lyasika. “Nabwiinga Wakwe wali bambila Mwini.” Oh! “Kalibambila Mwini.” Waa kabikka ambali zintu ezi zyoonse. Amuyeeye, Esita waka salwa, nkabela bamwi baka kakwa. Elyo abo buyo bakazyalululwa lubo, abo bajisi Muuya wa Leza, bayooba Basale Buzuba obo, kuti musyini wa bulemu uyo bikkwa aa mutwe Wakwe. Elyo bamwi bayo kakwa.

<sup>217</sup> Andi mwaambile cintucimwi ciniini eco cakacitika. Ndi—Ndi, Ndili wa missionari, mbuli mbo muzi, kucita mulimo wavangeli, mulimo wa missionari, kutandila ziindi zili ciloba ku masi ambi, koonse ku inyika. Okuno, kutali ciindi cilamfu cakainda, mu dolopo lya Rome, Rome ndi dolopo pati lya aarti. Alimwi baka jisi cikolo ca aarti okuya, alimwi bunji bwa bantu besu bana America bakubusyi bakainka okuya amwaka, kuyo bweza kwiiya kwa mwaka na yobilu mu aarti, kwiiya kupenta zifwanikiso. Kwakali nkamu ya bana America baniini yaka boola okuno, myaka misyoonto yakainda, mbuli kaano mbo kakaambwa kuli ndime. Elyo cindi basika okuya, bala nyongana mbuli bankutula. Cindi banooli mu Rome, bala cita mbuli Rome mboicita: kuunka a kunywa, akuli samununa beni, a zintuzyonse zimbi, a kulilemeka bumwi, balombe a basimbi.

<sup>218</sup> Elyo kwakali cikolo cimwi. Elyo mu cikolo eci, eyi—eyi nkamu ya bana America yaka boola. Elyo umwi aumwi wabo, kutandila, kacita cintu nciconya. Pele musimbi umwi muniini, ta ka konzya ku cilekela, nokuceya. Waa kakkala mukati. Ciindi ca

masiku, waa kabala kuciindi boonse nobakali kuzwa kabanya. Ciindi casikati, waa kabeleka, kubala. Ee, waa kali cisesyo ca cikolo coonse. Elyo waa kalibamba mbuli mulindu, kalilemeka mbuli mulindu. Nekubakuti kwakali balombe bakubusyi bana Roma a zintuzyonse koonse, kusola ku mubamba kuunka kumasena, waa ka cikaka. Peepe, munene. Waa kakkala ncobeni a ziiyo zyakwe, kwiya kudulowa, a kupenta, mubwini. Elyo waa kakkala a ncico.

<sup>219</sup> Kumalekelo, sikulanga mayake mudaala ku busena waka zumanana ku mulanga, kubona kuti wakali indene kapati, nekubakuti wakali muna Katolika wa Roma, kazumanana kumulangilila, obo mbwa kalilemeka mwini. Mangolezya amwi, musimbi mukubusyi, mu paaki awo i—i studio mpoya kabede, baa, na busena nkoba kajisi cikolo, waa keenda ku kkampasi, akwiinka atala lya cilundu, a zuba lyakali kubbila. Elyo waa kaliimvvi kutala okuya, a busyu bwakwe, busalala bubotu, a masusu akwe kalengelela, kalanga koonse ku nzila *eyo* kuya ku bubbila bwa zuba.

<sup>220</sup> Sikulanga mayake mudaala wakali kuhala mu lubuwa. Wa kazumanana kulanga musimbi, mbuli mbwakali kuhala. Cintucimwi caka zumanana buyo kumwaambila, “Koya, ambaula kuli nguwe.” Aboobo wa katula hala yakwe ansi, waka samununa ngowani yakwe nteteete, wakainka oko kwakali mulindu mukubusyi. Wakajula kameneno kakwe. Waa kanyona. Wa kati, “Kondi jatila, muka.”

Waa kati, “Iiyi, munene. Masimpe.”

<sup>221</sup> Elyo wa kabona kuti waa kali kulila. Boonse bamwi bakali ku misaalo ya butaka masiku ayo. Wa kati, “Baama, Nda syoma kuti ula ndimvwiya mu nzila iiluleme, kuti Ndiyo kanana buyo kuli nduwe.” Kati, “Wali waano, kunji kwa myaka yobilo lino. Elyo Nda kabona nkamu njo boola ayo, cakuzumanana balainka ku maparti, a kuboola ciindi conse masiku, kaba koledwe, azisani kazitandila kuzwa amibili yabo, a zintuzyonse. Pele Nda kabona kuti tojaniki ku mapobwe ali boobo.” Elyo kati, “Nda—Nda bona eco, kujibonya, kuti lyoonse ulalanga kulanduka lwizi. Ku mangolezya, weenda atala awa, a kwiima awa mangolezya oonse, a kulangilila izuba kali bbila.” Elyo kati, “Ino, ncinzi cicitya ceeco?” Kati, “Ndili mudaala. Elyo Ndi—Ndi yandikana kuziba eco cicitya lwandaano olu akati ka nduwe a bamwi.”

<sup>222</sup> Waa kati, “Iiyi, munene.” Waa kati, “Munene, Ndi langide ku muunzi cindi zuba lyano bbila.” Waa kati, “Kutala, kwiindilila zuba eelyo kulaale kuli nyika yangu yakuzyalilwa.” Elyo waa kati, “Mu nyika eyo kuli cisi cimwi. Elyo mu cisi eco cimwi kuli muunzi umwi. Elyo mu muunzi oyo umwi kuli ng’anda imwi. Elyo mu ng’anda eyo kuli mulombe umwi.” Kati, “Walo, awalo, ngwa aarti. Cindi Ne kazwa, kuboola okuno, Nda ka

syomezya luyandisyo lwangu kuli nguwe. Twa katangana kuli umwi aumwi.”

<sup>223</sup> Elyo waa kati, “Takukwe makani eco bamwi babo ncoba cita, eco tacikwe cintu cakucita a ndime.” Waa kati, “Nda kasyomezya kupona cakusyomeka a kululama.” Elyo waa kati, “Ndi sukamina buzuba obo cindi Nda limvwa lwangu kuba atala lya mababa aa ndeke eyo mpatico ayo nditola kulanduka lwizi a kundi kkazika aa bbuwa lya ndeke oko nkwayo ndicinga. Uli mukuyaka muunzi, nkabela tuyoo kkala antoomwe mu nyika eyo.”

<sup>224</sup> Elyo kati, “Ako nkekkaambo Nce citila nzila Nje cita. Ndili masimpe ku cisyomezyo eco Nce kabamba mulombe. Elyo uli kasimpe ku cisyomezyo eco nca ndi bamba.” Kati, “Nda mvwa kuzwa kuli nguwe, lino alimwi mpawo, alimwi Nda lemba kuli nguwe, alimwi,” kati, “kukwabana umwi aumwi. Tu cijatilide zikonke zyesu, kulindila buzuba mbo tu swaangana.”

<sup>225</sup> Oh, obo mbo ciyo citila Munakristo wini, kuzwa ku zintu zya inyika. Elyo buzubabumwi, amwaambaule zya kuboola mu kutondezegwa, aa mababa aa Nziba! Uboolela Nabwiinga, umwi oyo uta cengi a inyika na zintu zya inyika. Wa kasanzigwa mu Bulowa bwa Kabelele. Wa kasyomya luyandisyo Lwakwe—Lwakwe kuli Nguwe luzutu. I luyandisyo lwa inyika lwamana a kufwa kuli Nguwe. “I lukwatano lwa Kabelele Iwasika, alimwi Nabwiinga Wakwe wali bambila Mwini.”

Atu ciyeeye kuciindi notu kotamika mitwe yesu asyoonto buyo.

<sup>226</sup> Buzuba bumwi, mbuli Mbwe langa ku bubbila bwa zuba, Mebo akwalo, myaka ili makumi otatwe aumwi yakainda, kapanga eikonke kuli Umwi oyo Ngwe kayanda, luyandisyo lwangu loonse kuli Nguwe. Nda kasola lyoonse ku Mu jatilila a Ijwi Lyakwe, kufumbwa oko Nkwe unka. Ndi lizi kuli bamwi banji bakkede omuno, mbuli booboo, kulindila buzuba cindi bwaato bwakaindi bwa Zioni nibuya kusika ku ccito, kubweza buntu bwesu a ku tutola mu Busyu Bwakwe Oyo ngo tu yanda ango twa kasyomya luyando lwesu.

<sup>227</sup> Inga kwaba bamwi omuno sunumasiku, abo batana bamba cikonke eco. Kwayanda kuli bamwi baka cibamba aku cityola. Ikuti na uli mu ciimo eco sunumasiku, mweenzuma, nkaambonzi to jokeli buyo sunumasiku aku bukulusya busyomesi bwako? Ikuti na to jisi, ko cikonzya. Nkaambonzi to booli a ku cibamba sunumasiku? Kwaamba, “Mwami Jesu, Nda Ku yanda.”

<sup>228</sup> Yeeya, ikuti na wakabamba kale eikonke cako, nkabela ucisangana a zintu zya inyika, Jesu takabi a nabwiinga mbuli oyo. Ta kabi a umwi simamambi. Luyando lwako loonse lweelede kuba kuli Nguwe. Elyo ikuti na muyanda zintu zya nyika, a ziyanza zya nyika eyi, zibotu kwiinda mbo muyanda Leza, mpawo tona libambilia omwini.

<sup>229</sup> Sa oyo muntu uli omuno sunumasiku, kuciindi notu kotamikide mitwe yesu, inga watambika janza lyako, kwaamba, “Mukwesu Branham, kondi kombela. Ndi yanda kuba mu nzila eyo. Ndi—Ndi yanda kuba cibeela ca Nabwiinga. Elyo Ndi lizi Ndi cita zintu ezyo Nze takeelede kucita. Kondi kombela”? Leza aku longezye, mucizi wangu muna India. Leza aku longezye, mucizi. Elyo yebo, mukwesu wangu. Elyo yebo, mukwesu. Üli onse umbi? Tambika janza lyako, kwaamba, “Kondi kombela, Mukwesu Branham. Ndi—Ndi—Ndi—Ndi lizi kuti Nse luleme.”

<sup>230</sup> Lino kosityomeka kuli lwako. Kolanga kusule ku buumi bwako. We elede kulanga kusule kotana konzya kuya kunembo. Amulange obo mbo kabede. Amulange obo muuya ngo mwakubamba kucita. Ikuti na to jisi... Ikuti na ulibanda kuba Munakristo, nkabela ucisangana azintu zya inyika, mukwesu, mucizi, mbobuti mbo konzya pele kuba moofu ikuti na toboni kuti uli lubide?

<sup>231</sup> Muntu umwi wakati buzuba bumwi, wakati, “Mukwesu Branham, weelede kubaleka bantu mbuli obo.” Kati, “Bantu bakuita kuti musinsimi.”

Nda kati, “Nseli musinsimi.”

<sup>232</sup> Kati, “Pele bantu bayeeya kuti mbobede. Mweelede kuba yiisya banakazi aba. Mubusena bwa ku baambila kusama masusu malamfu a musyobo mubotu wa zisani a zintu mbuli ezyo, we elede ku baambila nzila ya kujana zintu zya kumuuya.”

<sup>233</sup> Nda kati, “Mbobuti Mbwe konzya kubayiisya alujebra, kakuli taba kakonzyi nokuba kubweza ma ABC, kakolo ka bana baniini? Taba jisi akwalo kulilemeka kweelede kubotu kulisalazya beni, kwiita, ‘I Nabwiinga wa Kristo’!” Ta ndaambipi kuti ciimo canguzu. Ndili mukwaamba eco mu luyando lwa buleza.

<sup>234</sup> Mbuli mbo Nda amba cifumo cino, ikuti na Nda kubona koselemukila ku mulonga mu bwaato, a kubona kuti uyo uma namutitima, ako kaato taka katoli, mebo nkekwiila kuli nduwe a koongolola kuli nduwe, Nse soli ku kucisa. Nda kuyanda. Nkaambo, ikuti na tociti, buumi bwako buyo sweepka.

<sup>235</sup> Sa kuli umwi umbi, watambika maanza abo katutana komba? Nda kubona, kusule okuya. Leza aku longezye, a yebo, yebo. Yebo ulizi buumi bwako butondezya kuti uli lubide. Yebo uciyandisyia nyika kwiinda Leza, nkokuti kuli cintu cimwi cilubide ku busena bumwi. Koli langa. Omuya mu twaanda omuya, tambika janza lyako, kwaamba, “Kondi kombela, Mukwesu Branham.” Leza aku longezye. Leza... Mbo mbubo. Kusyomeka ku bubotu, Nda—Nda nyomenena kusinizya.

<sup>236</sup> Eelyo nde penzi a mbungano ya Pentekoste sunu. Ta tujisi kusinizya oko kwini nko twa kajisi. Ta tujisi camba ca—ca kuboola a kwaamba kuti, kuzumina kuti tuli lubide. I dyabulosi

ujisi buyo kujatilila ku mbungano kusikila ya bumbuluka mu ntimba ya inyika. Muta citi eco.

<sup>237</sup> Buumi bwako bula tondezya kuti tojisi eco ncoamba kuti uli jisi. Mpawo nkaambonzi kuta caamba? "Oyo uyo lyaambilila zibi zyakwe uyo jana kujatilwa: oyo usisa cibi cakwe takia jani coolwe." To konzyi kucisisa. Leza ulizi koonse kujatikizya ncico. Elyo ikuti na wabona a kuziba kuti toponi kabotu, mpawo nkaambonzi kuta caamba, a kuzwa a kucilekela kumvugwa kabotu?

<sup>238</sup> "Zibi zya bantu bamwi zila basololela; zimwi kutobela." Muleke zyangu ziinke kumbele. Andi ambe zyoonse zyangu ndyoonya lino. Amulekele Leza acilulamike. Eco nco tweelede kucita.

<sup>239</sup> Kwakali maanza atandila ku cisambomwe na lusele atambika. Kuli banji bainda kuli abo mu mbungano eyi niini, sunumasiku, wa bantu bali mwaanda na myaanda yobile okuno, na ndiza mwaanda a makumi osanwe. Leza aku longezye, mwaalumi mukubusyi. Lino, Leza aku longezye, omulindu. Leza aku longezye, mucizi. Mbo mbubo. Leza aku longezye, mulombe. Eco ncibotu.

<sup>240</sup> [Kabeela katakwe cintu aa teepu—Mul.] . . . -banakazi bageledwe masusu tii bakali kugela masusu abo, pele bala cicita sunu. Ncinzi cakacitika? Teeba kali ku . . . kunana—kunana misila. Banyoko tiiba kacita, ikuti na bakali ba pentekoste. Ncinzi cakacitika sunu? Nkaambo bali mukubumbuluka mu zintu zya inyika. Elyo inyika ila tulanga. Tu taminina kuba Mbungano ya busalali. Ino ndipenzi nzi? Ta tuboneki mbuli Nabwiinga wa Kristo. Kujatikizya ndinywe no baalumi kumasena kuya, cintu nciconya. Mukwesu, mause kuli ndinywe.

<sup>241</sup> Taata Wakujulu, cindi Nda langa koonse, a kubamba lwiito lwaku cipaililo munzila ili boobo, kutapatila, kuzapaula, boneka mbuli kuba cabukali. Pele mukati ka ndime kulapengaana, cindi Nda ziba tuli munsi kumamanino. Aya maato maniini ayo aya kukwamuka, bumwi bwa mazuba aya. Lufu luyo uma, a kupengaana. Obo ziindi zinji Mbwe kaitwa u lubazu lwabo, a ku bamvwa kabaamba, "Oh, Mukwesu Branham, ikuti Nda konzya buyo kucipona alubo." Mpawo, kuciindi aba noba konzya, Mwami, ku cibamba kabotu!

<sup>242</sup> Ndi sola ku buboto bwangu. Leza, akube kuti Muuya Uusalala uciyubunune ku bantu, kuti Ndi soleka buyo kubagwasya, kutali kuba bwekela. Pele, mbuli Paulo mbwa kaamba, zya kaindi! Leza, Ta ndiyandi ku bacisa, pele Ndi yanda ku bacisa kweelede kutegwa bakabone awo mpo balubide.

<sup>243</sup> Nda komba kuti Uyo pa, sunumasiku, aba bantu, abo batambika maanza abo, a—a kwalo kulemeka kweelede ku—ku ziba, kumbele lya Leza, kuti bali lubide, elyo ba yanda kululama. "Amuyandaule, nkabela muyo jana. Amukonomone,

kuyo julwa." Pele ikuti na tamu kakonkomoni, mbobuti Mbwaya kujula? Tii mwaka yandaula, mbobuti mboya kujana?

<sup>244</sup> Lekela Muuya Uusalala, Mwami, koleta bantu aba kulipa kuzwide kuli Leza, sunumasiku. Akube kuti Taata mupati wa Mwami wesu Jesu Kristo aba salazye, buntu, mubili, a muuya, a kuba bikka mu Mubili wa Mwami Jesu Kristo. "Nkambo lukwatano lwa Kabelele luli awaafwi, alimwi Nabwiinga Wakwe wali bambila Mwini." O Mwami, akube kuti obu bube busiku bwa kulibambila, nkambo juunza ndiza buya kuba buzuba mbo tuyu Mu swaana. Ta tuzi oora ndyo tuyu itwa kuyo Mu swaana. Ko cipa, Mwami.

<sup>245</sup> Lino kuciindi ne Ndi komba, alimwi mu vundeme mitwe yanu. Umwi aumwi wanu watambika janza lyako, ikuti na uli sinizizye kapati kuli ceeco, alimwi uli sinizizye ncobeni kuli ncico, alimwi to fwi nsoni kulekela bantu kuziba kuti wakali lubide! Uyo elela kwima a mbabo okuya ku Lubeta, nekuba. Elyo Leza wakabikka kulamwa kukubwene ali nduwe, kuti ulizi kuteeti uli lubide.

<sup>246</sup> Okuno ciindi cimwi cainda, Nda kali kukambauka cintucimwi mbuli ceeco. Nda kaambaula ku mulindu mukubusyi kaimvwi kusule okuya. Waa kaboneka bubyaabi, mwana musimbi wa mukutausi. Elyo waa kandi swaana kunze lya mbungano, elyo takandi kumba do! Waa kati, "Ociuntu citakwe luzibo." Milomo minii, yanciki, ya kapentwa; masusu, mafwaafwi ageledwe. Waa kati, "Ikuti na Ndi yanda muntuumwi kwaambaula kuli ndime kujatikizya ceeco, Ndiyo jana muntuumwi ujisi kuyeyya kumwi kubotu." Kati, "Uta soli kunjila mu cikambaukilo ca taata wangu a kukambauka cintu mbuli ceeco alubo."

<sup>247</sup> Nda kati, "Yebo waamba kundaambila, bauso, mukambausi mubotu muna Baptisti usyomeka mbuli mbwabede, alimwi inga takambauka kulwana ceeco?"

Waa kati, "Ta kakubbadele kuboola okuno . . ."

Kati, "Ta kandi bbadela, pee. Nda boola ku kutambwa."

Waa kati, "Nse kamujatila kuli ncico."

<sup>248</sup> Nda kati, "Eco cili kuli nduwe. Nda katobela buyo Makanimabotu." Ziteo zya malubaluba zyakali kuunga okuya mu guwo lisyoonto. Mwanakazi mukubusyi mubotu.

<sup>249</sup> Ii kaindi kaniini kainda, kutandila mwaka nikwa kainda, Nda kainda kwiinda mu muunzi. Nda kamubona mulindu nguonya mukubusyi kasamide musinsi wakwe kaulengelela, kafweba misanga yatombwe, kaselemuka kagwagwa. Nda kayeeya, "Oyo mukaintu wa Mukwesu *Niini-a-niini*, na, mwana musimbi." Nda keenda kuzabuka kagwagwa, kubona kuti na Nse kakonzyi kusika kuli nguwe.

<sup>250</sup> Waa ka ndilanga, kafweba musanga oyu watombwe, waka uuntumuna mu mpemo yakwe. Waa kati, "Wabonwa, mukambausi," bwaambe bwa cisapi kuli ncico, mbuli boobo.

Nda kati, "Ee, ee!"

Kati, "Bweza kuuntumuna kwa musanga wangu wa tombwe. Koba mwaalumi."

Kati, "Sa tofwi bweeme lwako?"

<sup>251</sup> Waa katambikizya mu kabbuku kakwe kamu nkomo, kati, "Mpawo kofweba musanga wa tombwe."

<sup>252</sup> Nda kati, "Mause kuli nduwe. Mause kuli nduwe, ku kupa mulanda wa Leza musanga wa tombwe."

Waa kati, "Mpawo ndiza ulanywa cakunywa kuzwa mu bbodela lyang."

Nda kati, "Kaka uta caambi."

<sup>253</sup> Nda kamulanga. Nse kakonzya kukasya kulila, nkaambo bawisi mba mwaalumi uli kabotu. Nda kamulanga. Nda kayeeya, "Oh, ma! Waa kayeeya kuti waa kajisi ciindi cinji."

<sup>254</sup> Nda katalika kweenda. Nse kakonzya kulesya misozi kuzwa mu meso angu. Nda kazumanana kweenda. Waa kati, "Lindila aniini."

Nda kati, "Iiyi, baama?"

<sup>255</sup> Waa kajoka. Cakali kutandila kuba mause kwaambaula kuli nguwe mu kagwagwa, bantu kabainda munsi. Waa keenda kumbele. Waa kati, "Yebo ulizi eco nco kandaambila busiku obo?"

Nda kati, "Ndiyo yeeya lyoonse."

<sup>256</sup> Kati, "Ndi yanda ku kwaambila, omukambausi, wali luleme." Waa kati, "Nda bisizya Muuya Uusalala ciindi camamanino." Lino, mboobu bubandi mwanakazi mbwa kandibambila, nkabela Nse kacilubi, kufumbwa kuti Nke pona. Waa kati, "Wa kali kubeleka a ndime busiku obo. Pele," kati, "cindi ni Nda ka Mu kaka ku ciindi eco, cakali ca mamanino angu." Kati, "Moyo wangu wali muyumu loko; Nse kwe ndaba a Leza, mbungano, na cintu cimbi. Nda konkezya kuli bataata, abuzuba." Elyo waa kati, "Nda konzya kubona buntu bwa baama kabukangwa mu gehena, mbuli panikkekki, aku ciseka." Oko nkunyonganya Muuya Uusalala ciindi camamanino. Amu ciyeeye.

<sup>257</sup> Atu unke ku Muunzi aa mababa aa Nziba. Atube Nabwiinga. Nyamuka kuzwa ku cuuno cako lino, ikuti na uli lubide. Boola atala awa. Koima awa aa cipaililo a kwaamba, "Nda kalubizya. Mukwesu Branham, Ndi jisi bukali. Na, Nda—Nda—Nda kapona kutali cabunaleza. Nse—Nse elede kucita zintu ezi Nze cita. Mukwesu Branham, Nda kacita *eci*, *eco*, na *cimbi*. Ndi jisi mulandu wa kubeja. Ndi jisi mulandu wa kubba. Ndi jisi

mulandu wa cintucimwi. Nse na belekela Leza nzila Mbwe elede, alimwi Nda usa nsoni kuli lwangu, alimwi Ndi yanda buumi bwangu kuti bululamikwe. Sa inga tondi kombela okuno sunumasiku, Mukwesu Branham?” Ndiyo kkomanan kucicita.

<sup>258</sup> Ikuti na Leza uyo ingula mipailo yangu, ku kumvwa balwazi, boofu, a bapengede, Uyo mvwa ncobeni mupailo wa sizibi. Sa inga toboola a kuba cibela ca Nabwiinga sunumasiku? Nda mutamba kuboola.

<sup>259</sup> Nda kulumba, mukwesu wangu. Nda nyomenena musyobo oyo wa camba, oyo uyoenda a kuzumina kuti uli lubide. Leza aku longezye, mukwesu. Koima mpoonya *awa*.

<sup>260</sup> Yebo waamba kundaambila kuti, inga watambika janza lyako a kutaba usinizizye kujatikizya ncico? Ncinzi cakacitika ku bantu? Mukwesu, ino ndi penzi nzi? Ino ndi penzi nzi ku bantu besu mu buzuba buno? Yebo waamba kuti inga watambika janza lyako, kuti wali lubide, elyo mpawo tooko boola? Elyo kuziba, “Oyo uuzi kucita cibotu, nkabela ta ciciti, kuli nguwe ncibi.” Sa inga toboola?

Kuciindi sikulizya piyaano, ikuti na ulayanda, mucizi, sikulizya organi, ciimbo buyo ciniini.

<sup>261</sup> Nda kutamba. Ndi yanda ku kubuzya. Mbangaye mu bbunga eli bakali mu miswaangano cindi . . . Nywebo mulizi kuti Nseli mukambausi. Nse jisi lwiyyo.

<sup>262</sup> Leza aku longezye, mulindu muniini. Eco citola musimbi wini kucita ceeco. Ayi kkwaya niini kaiboola okuno, aku longezye, mucizi wangu. Eco ncamba cini. Nda—Nda nyomenena mulindu ulya muniini. Leza aku longezye, oyandwa. Ndi jisi musimbi muniini ku ng’anda, kutandila myaka yakukomena ya buumi bwako boonse, Rebekah muniini. Nda kulumba. Musimbi muniini muna India? Leza aku longezye, oyandwa, oyu sibwami muniini mukazi. Leza abe a nduwe, omuyandwi. Yebo, mucizi muniini, Leza abe a nduwe. Elyo a nduwe, mucizi.

<sup>263</sup> Lino, amulangisye okuno. Ikuti na balindu bakubusyi mbuli booboo, basimbi baniini, baluyando mu manjezeezya; a kukambauka nkambauko eyo iba tendaula mu tubeela, elyo mpaawa baboola kutala okuno, mukuziba kuti bali lubide, kwiimikila awa kumbele lya bbungaaku lyaambilila. Ncobeni, ncobeni nywebo no banakazi bapati, sa tamu kosika? Kweenda atala awa, a kwiima ambali awa.

Sa inga Nda yandaula busyu Bwako;  
Ponya muuya wangu, uutyokede.

Atu yiimbe.

Kondi futula ku luzyalo Lwako.  
Mufutuli, Mufutuli,  
Kumvwa . . .

<sup>264</sup> Masimpe muli sinizizye kwini ku komba mupailo mubombe, “Koita, Mwami, ndisoleke, a kubona ikuti na kuli cintu cili coonse cilubide kuli ndime.”

Uuta ndiindilili mebo.

Leza aku longezye, mucizi oyandwa.

<sup>265</sup> Mbangaye mu muswaangano oyu baima a kubona, mu bbunga, banakazi, baalumi, a boonse, amuboole cindi Ne kaimvwi ku kombela balwazi, a Muuya Uusalala kubaambilila zintu, zya zibi zyabo a zintu, a kuziba? Mbangaye banu bazi kuti obo mbwini? Kuta kakilwa. I Muuya Uusalala ula ndaambila, oyo Muuya Uusalala nguwenya, kuti kuli cintucimwi omu sunumasiku ci Mu bisizya. Lino, oyo ngu MBUBOOBU MBWAAMBA I MWAMI. Lino, ci swaane awa, na Okuya.

<sup>266</sup> Nseli muntu uupedwe ku kunyanyamukwa. Peepe, munene. Ndi lizi cigaminina awo Mpe imvwi, alimwi Ndi—Ndi lizi Leza. Mbo mbubo. Kuli banji banu beelede kwiima mpoonya awa awo basimbi aba baniini mpo babede. Lino, sa inga toboola? Nda kutamba. Nse kosungilizya. Ndi kwaambilila buyo.

<sup>267</sup> Muntuumwi wakati, “Nse na mvwide lwiito lwaku cipaililo oko mukutausi nkwa tapatila bbunga, mu zintu mbuli ezyo.”

<sup>268</sup> Eyo nje nzila mbo ceelede kucitwa. To booli a kaano kamwi kalyola myoyo, mutumbu umwi kafwa na cintucimwi. Oko, oko nkuba kunsi lya kulimvwa. I Ijwi lya Leza mpa cintu mpo boola. Yebo to booli kunsi a kulimvwa kuli koonse. Yebo koboola kosyoma kuti Leza ngu Leza, alimwi uli mu ng’anda ya lubeta iya Mwami. Elyo waboola, kolomba ku kaambo kako.

<sup>269</sup> Leza aku longezye, mukwesu wangu, mucizi wangu. Yanda kusukana janza lyako, kwaamba kuti Nda lumba kulamwa kwako kwa kusyomeka. Mulindu muniini, Nda kulumba. Leza aku longezye. Akube kuti Akupe Muuya oyo wa camba. Ulelekwe, mukwesu wangu. Leza abe a nduwe.

<sup>270</sup> Alubo, mpawo tula jala. Inga catandila ku ciindi camamanino, acalo. Mwabona? Ta ndizi cindi. Nda syoma ta cicit. Pele inga caba. Mwabona?

Mufutuli . . .

<sup>271</sup> Boola okuno, mucizi wangu. Ndi yanda kusukana janza lyako, ndaku lumba. Nda lumba olo lusyomo. Olo ndusyomo lwini.

<sup>272</sup> Boola okuno, mukwesu wangu. Ndi yanda kusukana maanza a nduwe, mpoonya awa. Nda lumba kusinizya kwanu. Leza amu longezye.

<sup>273</sup> Boola okuno. Leza aku longezye. Nda lumba kusinizya kwanu, ku kubamba kwiima kwa . . .

. . . ku ndiindilila.

Mufutuli . . .

<sup>274</sup> Inzi? “I lukwatano lwa Kabelele lwasika, alimwi Nabwiinga Wakwe wali bambila Mwini.”

. . . kulila kubombe;  
 Kuciindi aa . . .  
 Muta ndiindilili. (Inzi?)  
 Ndila syoma buyo mu bweelelo Bwako,  
 Sa inga Nda yandaula busyu Bwako;  
 Ponya muuya wangu, uutyokede, (Awo Ijwi  
     mpolya kakosola muli nguwo.)  
 Kondi futula ku luzyalo Lwako.  
 Mufutuli, Mufutuli,  
 Komvwa wangu mubombe . . .  
 Kuciindi Yebo naita bamwi,  
 Oh, uta ndi ndilili ambali.

<sup>275</sup> Amuyeeye, Muuya Uusalala wakali oyo watenda mu moyo wako, a kuboola atala awa. Amuyeeye buyo masena Mbwa katenda, nkabela muntu oyo takaponi ceeco. Bayo ciyeyea eco lyoonse. “Ikuti na myoyo yesu tai tupi milandu.” Pele cindi waboola a cintucimwi mu Ijwi lya Leza, nkabela ula ceenguluka, olo taluli Lunyungu lwa Abrahamu. Abrahamu wakabamba cisyomezyo ca Leza mu moyo wakwe, kakutakwe kulanganya eco cakasika na kuunka.

<sup>276</sup> Nda lumba boonse aba baimvwi kuzunguluka cipaililo. Mupailo wangu kuli ndinywe, kutegwa Leza amupe kuyandisya kwa myoyo yanu sunumasiku, a kumubamba kuba bantu beni basalali.

<sup>277</sup> Bamwi bantu aba baniini, mbaaba bama India, ba Spanish, Mexico, boonse kabaimvwi koonse, bantu abo baka taminina kuba Banakristo, ndiza, kwa myaka, pele kubone kuti cili lubide. Ba yanda kululama. “Bali acoolwe abo bafwa nzala a nyota ya bululami, nkambo bayo kkutisigwa.” Kapewga mulandu, ulibambilide ku cilulamika kuli Leza, kwiinda mu zipaililo zya mulilo zya lubeta lwa Leza.

<sup>278</sup> Weede kuyo ciswaana kubusena bumwi, beenzuma. Mweede kuyo ciswaana kubusena bumwi, aboobo amu ci swaane awa. Utalindili kusikila cifumo. Inga wajaigwa sunumasiku, mu ntenda, kuya ku muunzi.

<sup>279</sup> Calino buyo mu muswaangano, Nda kaita lwito lwaku cipaililo, elyo—elyo Nda kaita, mbuli mbo kwakabede mu Ohio. Elyo busiku obo, Nda kazwa mu buyake, elyo ndakaunka kutandila maminiti aali kkumi aosanwe. Nda kamvwa muntu umwi kakwiila, ku lubazu lwa mugwagwa. Nda kaima, kainka kuya. I mootokala waka jisi ntenda, waka njila muli imbi. Elyo mwanakazi waka kkede alya, kalibilika loko, waa kasomona mubalo wakwe, waa kalibilika loko. Waa kajaigwa. Elyo waa kali kwaambaula ku mwana wakwe musimbi, mu mugwagwa kunselelo, oyo wakali kweenzya. Ba kali mubambide okuya,

kalibambilide ku cibbadela. Elyo boonse babo bakeelede kusika ku cipaililo. Elyo mwana musimbi wakati, “Baama, ijwi lya mamanino ndyo bakaamba kuli ndime mootokala kautana kuumputa, ‘Nda kalubizya sunumasiku. Ndi lizi Nda cita.’” Elyo mpaawo buumi bwakwe bwakaitwa.

Oh, yebo wati, “Eco ta cikacitiki kuli ndime.” Inga cacita. Inga cacita.

<sup>280</sup> Elyo ino kuti Muuya Uusalala tau kakupi mulandu alubo a ku kwaambila kuti uli lubide? Mpawo uyo enda kuya mu Butamani mbuli boobo. Elyo nywebo mulizi, a musyobo oyo wa muuya, tamu konzyi kucicita. Munene, kolanga kusule kwiinda mu buumi bwako, kubona obo mbo kapona. Elyo amulange kusule okuya a kubona ikuti na obo mbuumi, bubotu bubombe bwa Kristo, bula sukamina kuba a Ijwi Lyakwe lyoonse. Ikuti na tacili obo, mpawo boola ululamike. Kuli...Nkaambonzi—nkaambonzi kubweza ciiminizyo, kakuli milengalenga izwide zilongezyo zini zya pentekoste eco ciyo salazya moyo wako, kusalazya buntu bwako? Sa eco tacili kabotu?

<sup>281</sup> Mbangaye bakutausi bali moomuno sunumasiku? Ndi yanda ndinywe nobamwi bakwesu kuboola atala ano akuba andiswe. Eco cili kabotu, mukwesu? Inzya. Boola atala awa, sa inga wacita, aniini buyo, bakwesu? Mbo mbubo.

<sup>282</sup> Jesu wakati, mu Ijwi Lyakwe, “Oyo uumvwa Majwi Angu, a kusyoma Oyo waka Ndi tuma, uli jisi Buumi Butamani; taka booli mu lubeta, pele wakazwa ku lufu kuya ku Buumi.” Musalali Johane 6 wakati, “Elyo Njo mibusya alubo ku buzuba bwamamanino,” bubuke.

<sup>283</sup> Bantu, swebo, tweede kwiima eco. Twe elede kucicita. Ceelede kucitwa. Aboobo i...Takuli kulimvwa. Kulimvwa kuunka a ncico, mubwini. Mbo mbubo. Pele cintu ca ncico, walo moyo wakasalazigwa.

<sup>284</sup> Kobweza buyo Ijwi lya Leza, a kwaamba, “Leza, Nda kalubizya. Nda usa kuti Nda kacita ceeco. Uli zyi moyo wangu. Nda kalubizya. Mpoonya awa aa busena obu, Nda lyaambilila bulubizi bwangu. Elyo kuzwa busiku obu, kuzwida lino, Ndili tangidwe kuli Nduwe. Ndili cibeela ca Nabwiinga. Nse kacici eco alubo; nse kalekeli bukali bwangu kusupuka alubo. Ndiyo—Ndiyo lilemeka mbuli mulindu. Njo lilemeka mbuli mulombwana. Njo cita zintu ezyo Bbaibbele nzo lyaamba kucita. Njo Ku bweza ndyoonya lino ku Ijwi Lyako.” Mpawo uya busika kubusena bumwi.

<sup>285</sup> Mula syoma obo, bakambausi ba Makanimabotu? Sa obo Mbwini? Mbo mbubo.

<sup>286</sup> Lino, atu kotamike mitwe yesu mu mupailo lino, umwi aumwi wanu buyo, mu nzila yanu.

<sup>287</sup> Amuyeeye, nkoonya kumbali lyako ngu Kristo. Kumbele lyako, awa aa cipaililo, Banakristo baimvwi kabakomba. Kusule lyako; bakutausi ba Makanimabotu bakomba. Lino, eco cimubikka mu bube bwa mupailo.

<sup>288</sup> Lino, kulyaambilila kwanu, mu myoyo yanu, mu nzila yanu nobeni: "Mwami, Ndili lubide. Nda usa, Mwami, Nda kacita zintu ezi. Nda lyaambilila zibi zyangu eno. Nda syoma aali Nduwe. Nda Ku zumina lino. Ndi yanda kuba cibeela ca Nabwiinga. Mu Zina lya Jesu Nda lomba."

Lino, bamba kulyaambilila kwako aa moyo wako lino. Lino Ndiyo kukombela.

<sup>289</sup> Taata Wakujulu, obo mbo cinyonganya ziindizimwi cindi Nda langa aa bantu abo bandi yanda, a kubona nzila Mbo sala Ijwi a ku Li bikka alya. Cila tenda buyo ku mumpolyo wa cifuwa, pele mpawo Ula boola ncobeni kuzunguluka kuci simpikizya kuba Bwini. Bwalo Mbwini.

<sup>290</sup> Mpawo kwijmvwi baalumi a banakazi, nobaba balindu baniini, basimbi baniini kabaimvwi awa a mitwe kiikoteme, a misozi mu meso abo, nkoonya ku manjilanino aa buumi. Ndi yeeya oko nkoba konzya kulijana, ansi alya mukunyona oko, nkamu ya cizyano cakuliyumba buniini, banjidwe dyabulosi, badyaminidwe ku madaimona. Mbaaba we, baimvwi awa sunumasiku a myoyo iikoteme, kuyanda cintucimwi eco ncoba konzya kubikka maanza abo, ku kwaamba kuti, "Mwami Leza, kondi salazyu kuzwa ku zintu zyoonse zya inyika."

<sup>291</sup> Mbaaba baalumi bamisela yaakatikati, baalumi bakubusyi, bamacembele, banakazi bakubusyi, boonse kabaimvwi antoomwe. Bali muku lyaambilila kuti kuli lubide. Yebo waamba ku moyo wabo; inga tii baba okuno. Ci tondezya kuti tiiba kakonzya akwalo kubuka kuzwa mu zyuuno zyabo, kakutakwe muzeezo wakapangwa kale. Ii Muuya wa Leza wakali kuba munsi lyabo, a—a kuti, "Uli lubide."

Elyo buumi bwabo buniini bwa kati, "Mwami, mpawo Ndila Ku yanda."

Elyo dyabulosi wakati, "Ka kkalikila."

<sup>292</sup> Pele Muuya wa Leza wakati, "Buka." Elyo bakeenda mu kuswiilila, a kwiima awa aa cipaililo.

<sup>293</sup> Lino, mbuli mbo Nda kabalulula kuli Nduwe Ijwi Lyako, "Oyo uyo boola kuli Ndime, Nse ka mutandi kuli koonse. Nekubakuti zibi zyako ziyooba mbuli kusalalapyu, ziyo tuba mbuli caanda; kusubila mbuli kukunka kwa nkandamalowa, kutuba mbuli boyo bwambelele. Boola uule kuli Ndime, waini a mafuta. Luzyalo lwangu lulazulila. Oyo uumvwa Majwi Angu, aku syoma Oyo waka Ndi tuma, ujisi Buumi buteeli; alimwi takabooli mu Lubeta, pele wakazwa ku lufu kuya ku Buumi.

Elyo lino lukwatano lwa Kabelele Iwasika, elyo Nabwiinga wakalibambilila Mwini."

<sup>294</sup> Taata, mbi Bako. Balo nzilumbo zya Ijwi Lyako. Bli waano kuti basanzigwa kwiinda ku maanzi aa Ijwi, nkaambo ngu Makani mabotu aazwide. Ta leki cintu cili coonse. Ala gonka, kusika ansi ku busena bwa kuyiila bana baniini. A dadula miyanda, miyanda ya ndulwe, i—i—i miyanda ya tuncimwa, miyanda ya inyika. Kuba gulunganya kuzwa, Mwami, kwiinda ku Muuya Uusalala. Kuba gusya kuzwa ku bantu aba.

<sup>295</sup> Nda bataminina kuli Nduwe sunumasiku, Jesu, mbuli lubono Lwako lwini lugaminina, mbuli ngale mu musyini Wako, mbuli zizo zya Nabwiinga Wako. Nda taminina maumi abo. Nda komba a moyo wangu oonse, a bakutausi aba, aba balanda ba Leza muumi. Nda komba kuti Uyo gusya kuzwa kuli mbabo, Mwami, zintu zya inyika, a kubapa camba ca kwiima ku busyu bwa Saatani. Ko cipa, Mwami. Tula syoma kuti Uyo cicita. Wa kati, "Amulombe Taata cili coonse mu Zina Lyangu, Ndiyo cicita." Lino, Yebo taakwe no kaamba, "Uh, ndiza Njo cicita." Yebo wa kaamba, "Njo cicita." Elyo Nda syoma kuti cili bwini.

<sup>296</sup> Lino, kuli lembedwe akwalo mu Magwalo, "Mu Zina Lyangu bayo tanda madaimona." Ngu dyabulosi oyo unga wabweza mulindu mukubusyi na mwanakazi, a kunyonyoona buumi bwakwe. Ngu dyabulosi oyo unga wabweza muntu a kunyonyoona buumi bwakwe. Elyo Njo balulula kaano aka kaniini, Mwami, mu mupailo wangu. Elyo Nda komba kuti Uyo ndimvwa, alimwi uyo ingula mupailo wangu, kuti umwi aumwi wa baaba uyo taminina sunumasiku kuba ngale zya Bwami. Ba boola. Elyo Nde elede kupeda bwiinguzi ku majwi angu sunumasiku. Elyo mpaawa baboola kwiima a ndime, a kubweza busena bwesu kwiinda ku lubazu lwa Kristo.

<sup>297</sup> Lino, Saatani, wa cisweekelwa. Wa kajatilila bamwi, pele toizunda nkondo. Jesu wakati, "Oyo uboola kuli Ndime, Nse kamu tandi pe."

<sup>298</sup> Saatani, Nda mwaambila, kuti buzuba bumwi kwakali mulombe muniini oyo wakali kweembela mbelele zya bawisi. Elyo mulavu wakasika a kutola yomwe yazyo, kai tola, kwibisizya bubi maningi, nkabela wakali kuyoilya. Pele oyu mweembezi muniini wini, ta kajisi kunji pele nkwilipo, pele wa kajisi lusyomo muli Leza muumi. Wa kaunka kutobela mulavu oyo, nkabela wa kamujata, elyo wa—wa kamujaya. Wa kabuka kumulwana, nkabela wa kamujata ku cilezu cakwe a kamujaya. Wa kabweza mbelele kuzwa ku mulomo wakwe, kaijosya ku macelelo akuponesegwa kwayo.

<sup>299</sup> Wa bweza ezi mbelele ziyandisi zya Leza, aba balindu, abo bakacitya kugela masusu abo a kulpenta, a kuboneka mbuli zintu ezyo Bbaibbele nzo litapatila, alimwi mwaka yeeya kuti mwakali ziji. Pele Nda boola a nkwilipo eyi niini ya mupailo.

Nda bajosya sunumasiku. To konzyi kubajatilila limbi. Wa sweekelwa nkondo. Aba bantu bayandisi baimvwi awa, tubelele twa Leza, ko twaangulula. Twa kulailila, mu Zina lya Mwami Jesu Kristo. Nda bikka akati ka zilengwa ezi a kunyema, a bubi a kufumbwa mbo cinga caba, Nda bikka Bulowa bwa Jesu Kristo, ku lusyomo, akati kabo a cintu eco alubo. To kaba jati limbi pe. Bali mu meembelelo aa Taata. Balo mbana Bakwe. Ba tantamuke. Mu Zina lya Jesu Kristo, Nda kulailila.

<sup>300</sup> Takukwe dyabulosi mu gehena ukonzya kukuguma, ikuti na ula syoma obo. Uli vumbidwe ku Bulowa. Wa zungulukwa ku mupailo, bakutausi ba Makani mabotu, a batumwa ba cizuminano, mupailo. Umwi aumwi wanu wiimvwi awa, muboole atala awa, mukuziba kuti mwaka kajisi zilengwa, tumpenda, azintu ezyo nzyo muusila nsoni. Ikuti na lino mwabikka aa cipaililo ca mukuba ca lubeta ica Leza, nkabela muyo cizumina lino mbuli kujatilwa kwanu, kuti Kristo wacipa kuli ndinywe, sa inga wacipa eco ku lusyomo, ku tambika janza lyako a kwaamba, “Nda cizumina lino. Ca mana. Elyo kuzwa buzuba buno, Nse kaciciti alubo”? Mwa kafutulwa kwiinda ku Bulowa bwa Jesu Kristo. Ameni. Ameni. Alumbwe Leza.

Sa kuli umwi umbi uyanda kuboola, kusangana nkamu eyi?

<sup>301</sup> Sa kuli balwazi bamwi mu buyake, banga bayanda kwiiminina mupailo mpoonya aa ciindi eci? Amwiime.

<sup>302</sup> Ndi yanda umwi aumwi wanu awa, ikuti na toli ii—ikuti na toli cizo ca mbungano imwi mbotu izwide Makanimabotu, kamuya kuli umwi, oyu umwi ikuti na mula konzya, ikuti na mwaponna munsi awa. Amujane mweembeli a kubapatizingwa. Elyo mpawo ikuti na tona tambula Muuya Uusalala, komba Leza amupe Muuya Uusalala a ku muzuzya, ku mubamba kuba cizo ca Nabwiinga.

<sup>303</sup> Amulange koonse okuya, bakwesu, ku bantu baciswa. I dyabulosi takonzyi kujatilila bantu abo. Eci nciindi ca kwaangululwa. Aleluya! Sena mula syoma eco?

Atu kotamike mitwe yesu ku mupailo.

<sup>304</sup> Elyo umwi aumwi wanu no bantu kumasena kuya, abo bajisi malwazi, nywebo nomuimvwi, amu bikke maanza anu ali umwi aumwi. Jesu Kristo wakati, “Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona.” Amu jatilile maanza anu ali umwi aumwi. Lino, muta likombeli nobeni. Yebo kombela muntu uucilila ngo bikka maanza, nkaambo bali muku kukombela.

Atu kombe antoomwe lino mbuli Mbungano ya Bunakristo.

<sup>305</sup> Mwami Jesu, tuli lumbide ku kuzunda sunumasiku, myuuuya iboola kuli Nduwe. Lino, dyabulosi waka bweza mbelele Zyako zimwi, a malwazi. Twa boola ku bataminina kujoka. Elyo mbuli Mbungano ya Leza muumi, twa tapatila dyabulosi, a

kwaamba, "Ko lekela bantu aba baciswa baanguluwe, Saatani. Twa kulailila mu Zina lyu Jesu Kristo, kuteegwa baponesegwe." I Bbaibbele lyakati, "Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona." Eco ncisyomezyo ca Leza, alimwi tu lizi kuti mbwini. Ba ponesegwa kwiinda ku mibunda ya Mwami Jesu Kristo.

<sup>306</sup> Lino, ikuti na mula cisyoma, amutambike maanza anu a ku Mu lumbaizya. Ameni.

<sup>307</sup> Ncibotu, mweembeli, nci cako coonse. Leza aku longezye, mukwesu. Ncibotu loko kuba a nduwe sunu masiku. Leza abe a nduwe.

Leza amu longezye, bakwesu awa.



*I LUKWATANO LWA KABELELE* TNG62-0121E  
(The Marriage Of The Lamb)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munondo mangolezya, Mukazimaziba 21, 1962, ku Fellowship Tabernacle mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)